

王湘綺先生全集

箋啓



湘綺樓箋啟附六

長沙湘潭王闈運字季父著

目錄六

許篤齋一啟 魏槃阿一啟 趙伯璋一啟 常晴

生一啟 惠師僑一啟 吳董清一啟 劉峴莊四

啟 劉采九一啟 爽邵南一啟 孔楮階 葉煥彬一啟

胡翔清一啟 譚鏡清一啟 劉鏡清一啟 廖蓀

咳一啟 張雨珊一啟 馬話山一條 夏子新三

啟 陳復心二啟 楊彥規一啟 李仲山一啟

陳小石二啟 李勉林三啟 張子虞一啟 席沅

生一啟 曹東瀛一啟 曾仲伯一啟 張楚秋 瞿子玖一

箋啟六目錄

啟 陳六笙二啟 朱曼伯一啟 但少村二啟

俞虞軒三啟 趙次山二啟 譚芝耘一啟 裴少

岑一啟 龍驗仙三啟 端午樵一啟 黃花農一

啟 陳完夫二啟 楊兆僊一啟 夏午詒一啟

夏菽軒二啟 沈夢谿一啟 趙晴帆一啟 秦子

質一啟 王子常一啟 程阮樵七啟

湘綺樓箋啟卷第六

長沙湘潭王闔運字壬父著

與許生

前得書欣知慈躬康全聞當重來因未作復昨得信知
定畱侍甚善甚善讀書日長事親日少震之言是也歸
有餘師但以不能朝夕爲悵悵耳火食之說以拒虹田
之徒若篤齋者方能食吾盤殮用獎勤劬尊公厚意猶
以常典見待者也因使附還乞爲代達入伏未事所作
俟秋涼諸生去盡乃當詳覈吾賢學行俱可大成惟濡
染稍深於諸儒說猶暗有牽掣要當一求經證以廓胸

箋啟六

襟乃後參以眾家示不專輒徇名之意最難掃除舉世
非之衷之於聖斯乃區區之志也嚆矢而已道在則何
敢言此頌侍安

致魏同知

槃阿長兄先生侍者二紀重逢八旬歡聚故情彌重新
別旋悽得手書相念拳拳卽知鄙悰之尤戀也臘遲寒
淺年度春回吳門勝游更增遙憶闔運於冬至前抵長
沙室如縣磬幸做縣志館致送千緡隨手開除一日而
畢假不畱吳則此項早歸烏有天畱錢樹人挽小車公
有同焉可爲一矐遂中得詩一篇酬葉臨公錄請代致

又附拙著三種與鄭君共觀之湘中民慶有秋人家康
樂莊田多穫營室可成明歲當在山版築鄉居差供館
粥妻子付之敝屣此則老兄未能耳邵去鹿來猶吾夔
子譚興張廢翹足可期讀律諸公行亦倦矣徒供談柄
何損雅懷江梅正花伏惟繇福不具

與趙同知

伯璋仁兄先生台席吳門快晤傾企風裁湘水遄歸遙
瞻汪度過從稠密游宴豐勤愧乏酬儀但歌永好別後
看吳鈔尙未見上游借重徽商息重楚客貂輕船到橋
邊啞其笑矣闔運於十一月廿日抵長沙未久卽還敝

箋版六

縣商度山居臘底始仍還省債家紛集今年僅償其半
已費經營明歲決計入山誅茅結屋吳游煩費津館塵
囂閉戶守貧庶無大悔家鄉豐稔穀價復昂敝莊欣欣
大有起色此則苦中之一樂耳書此申謝敬頌年祺

致常知縣

晴生仁弟親家台席八月得京邸書旋聞榮到以相見
在近故未作答九月過省功兒乃欲北行以其少長鄉
園宜觀上國因畱照料遂困長沙九弟來詢知近佳並
得委任圭璋特達公道益彰濁世雖琴亦有名義功兒
昨見按察已述鄙意督府則未知見否要俟請求也半

百雖輕正不易得非先公清節藩臺厚意何以致此但孤忠被謫當有特恩錄其子孫不從凡例今年歲暮不宜更煩竿牘明春必爲作文上之督撫以申私意敬帥必畱督蜀新撫雖無交情可因制臺轉達也初到官廳忌妒者多以緘默敬慎爲主恐弟尙有見才之意與俗官齟齬特以此告不作書亦此意也藩臬督撫時有齟齬屬員必不可代之分黨揔之大人恩典已結差使之不遑斯乃候補祕訣耳書院偶有兒童戲劇皆已正辦所以辭館者以讀書不甚認真脩金又不敷用兩無所益非與道臺及諸門人鬧皮氣也闔運生平自視甚重

箋啟六

三

以爲自恭醕以下皆敬我者必不與人計較來書云云猶秀才習氣非公子及太耶所宜也承賜八女添裝適已還東未敢仍畱自用二表謹存鏡奩仍交夫人代收俟八女明年過鄂便以賜之闔運今冬尙未知所適或至鄂或還山視天氣爲定明春三月仍至東洲收束脩近又欲別開一局亦懶未暇諸女則避盜入城必不再至衡矣夫人至省寒雨纏綿未能迎款爲歉專此復謝卽頌邸福新喜

致惠同知

師僑仁兄大人閣下蘇臺重上新雨得朋文酒之游尤

欽雅度別後總禰人事未暇修箋亦以酬酢處繇若以
例通謝反孤雅眷因循半載無日不瞻憶清暉也想捕
務整飭水利流通州郡需材當復借重然仁兄兩司材
也屈於閒官終當特達幸無亟歎塵魚矣小坡屬校廣
韻已畢彼既入都有登科之望當俟揭曉後寄嵩佷已
歸去不並求代致闔運還山暫得消息恐後有相尋者
仍須出游以避之久慕嵩華思一游眺夏秋間或西北
行耳專此奉問敬頌台安

復吳同知

避邁清揚未申款曲荆沙發軫涉潔聞驚幸得逆歸實

箋啟六

四

深危悚前得來信重荷寵存作復稽遲亮貽欽企秋清
木落峽口多奇山水銜知琴尊多逸幸甚幸甚闔運暫
游幾困閉戶息心一事無成五嶽遠遠唯老懶以作
優游羣公居得爲之地一籌莫展想登廣武以憶蘇門
高興所期願以時示

致劉制臺

峴莊先生侍郎節下伏處湘瀕聞高名舊矣榮晦異趣
末由相逢今秋在江淮滌文盛言節下之美以謂不可
不見至南昌霞軒亦云然然闔運客游九州寡於介紹
轅門尊嚴恐適傷賢侯下士之名故不敢徑詣也鏡海

深蒙知賞亦言不可輕干空懷慕仰失之夾轂甚歉甚
歉方今時政因循兵氣未靖士女游惰侈靡日增吾鄉
伏莽尤多江漢殆無復綱紀聞有能政如節下者雖在
山海猶思自結況異苔同岑交榆映社者乎他日緣會
終當抵掌華軒先此道意以代踵門想宏遠攬恕其率
爾敬頌台安不具

正月十日奉惠書並賜銀五十循誦祇領竊尋碩論彌
深欣仰度領人士傳頌威仁互市賈胡無復驕肆蓋由
內政之先理故覺游刃之有餘益知張皇夷務卽不知
治本安得入贊密勿爲國宣威俾當代識有轉機乎又

箋啟六

五

聞兼筦稅司使金如粟脂膏不潤溥利無疆吏士歡顏
單寒有賴絲蠻歌其教載矜佩喜於嗣音德化和平嘉
徵有子明公公勤積累早應鍾延而必待海嶠之謳歌
乃適孚斯干之頌祝此可見天之施福亦待時以成美
談也凡在鄉閭無不欣喜聞運衡陽充隱山潦爲灾移
家省城已無故宅買山難俟卜宅城中雖得三椽仍謀
田舍軍志近始糊稿大約冬杪可成其意不在表戰功
而在敘治亂得失之所由節下鴻籌所及雖未施行者
不妨相示非欲聞斬級禽渠之功也瀏陽任雨田編修
溫飭僮僕尤敦內行告歸侍養家計頗艱王巡撫僅能

歲致百金此外如釐局鹺綱又非所樂早年南海爲陸賈輕齋近則蟻慕麝來無復綱紀因聞新政整飭流品分明義之十萬之賤延賞人船之贈古有其例亦視其人銜玉誠難薦士爲上用特介之左右節下其能修雍乾之故事邪專肅通臆敬達謝忱

奉別經年側聞敷政每與陳俊臣歎息以爲今多暮氣如得明公同志一二人砥柱方州其功更在戡亂之右竊喜精力彌滿福壽無涯江介重游歸仁有日方期之十年後耳闔運烝陽重寓居然老宿此邦人士新築江樓俾攜小兒女孫輩同居藉作休佚之地旣感其意誼

箋啟六

六

當復少畱自計生平無少欠缺惟少更世難多識英奇事變時移公卿方以軍功爲虛誕有宿將老兵說士劒客或及身漂泊或身後荒寒說項旣不見憐分米又無其力近歲海關鹽局皆勢要請託錦上添花二紀之間未嘗染指恭逢明公大澄斯路通飭查覈想已洞照夫尤食者旣在所裁則廉退者宜蒙獎厲值公道章明之日有披雲自訴之途敢將應予矜恤者開單呈覽伏乞指搆總辦一一量材武安除吏盡漢武乃得除吏此亦漢學之淵源湘州之佳話也此外有二武人一係闔運堂弟曾從武愼公卅年晚得雲南武定參將從武愼復

歸乃樸山之舊部劉武壯之本管官也耳韓家貧安靜
自守晨夕耕作不免饑寒其一蘇文藻乃駱文忠親兵
人甚明白謹慎粗堪驅策今遣叩謁伏冀垂念舊勛恤
其儲胥於營局中任賞一差俾終溫飽斯皆田子方之
所以報文侯非閻運一身之事也雅道久微古風不復
左李猶難語此他賢益復可知非遇閻規末由披寫仰
鑒與否誠不敢知韓退之所云試一鳴號耳又閻運外
甥曾紀元略涉多通人甚懶散一衿窮困亦屢爲海上
之游如幕府需人似可備數並去年所薦胡子夷均凡
案之材也湘中近歲章句詞章之士實勝往時而楨榦

箋啟六

七

之材蓋寡閻運與後秀諸生講求堅苦均無能信從者
此則謀生路闕進取途多世極絀華斯人趨自困非復
絀薄所能挽回而明公居高位握重權但可推波而送
舟不能反奢而示儉此又時局之所由成風氣之莫能
轉者矣因感攄情伏惟鑒照不具

甲午以後遂不通書以公責重任大閻運湘潭話多未
宜瀆也春雨閉門忽有軍將來見出武陵劉采九先生
書言周鎮習熟戎行薦與兪中丞而不用謀所以位置
之閻運因告以偃武修和舊事莫提之義疑信參半以
爲託詞也客去思之方今王中堂張制臺不喜湘軍可

矣若闔運志湘軍者也竊聞田子方之語越句踐之事親見其大將軍告身不博一醉亦爲寒心方今能收恤舊將者明公一人而已江南地大物博一頓指收此一人不難再來再收視其無用而決斥之殊不必如聶仲芳未及下車而驅逐同鄉用是不揣冒昧依昔年薦鹽局之例再奉書以干執事亦藉以達姓名於左右知自疏之無他或冀勤政之餘發一軒渠等諸敬新磨羅衣輕之流斯野人之獻芹矣專頌福安不具

復劉山長

采九仁兄先生同年道席瀕行一面託爲前緣驚艷開

箋啟六

八

齋莫能喻也周將來又奉手簡重有所託怪其諄諄不似四兩八行之例方今天子重和羣臣諱武昔之良將皆願與九夷執鞭我輩老儒尙何沾溉來書雖不得已毋乃非佚老之道乎旣蒙推愛謹卽破例與書劉太保併封呈覽視其有益與否抑臣更有請者似此等武官湖南以萬計天下以巨萬計一人有慶兆民賴之公固擠破門我亦寫脫手欲其不來除非不行祝其不行而又爲寫信亦是左邱明之所恥如此在我恨兄兄復誰恨又不得不歸咎於老滌也兄幸以翰林改官文武不相統轄何故而生此事耶若弟之聲名狼藉樹大招風

自愧無能不作督撫逆來順受唯唯聽命而已想久不聞城南童言書此代面

致爽道臺

邵南仁兄世先生侍者去歲得沙頭手書拳摯之情悲憤之意循誦感歎幸承尊公起居相與欣懌和議敷衍當可還京令弟已移官否久不看朝報一年事尙未知也衡前手書來乃知筦離江漢以蕭散之襟懷值飄零之身世惟藉差遣日殊非所望時事已無可言老遜山中未知免否題襟載酒其樂難追惟不向賈胡磨牙差爲健耳衡陽馬生名士之子以貧世其家流落武昌爲覓菴館未收十斛麥遂已娶婦坐此困累失業無歸台端局面久定想無隙處或有數金司事閒散筆札俾得餽口亦雅度所樂聞也因彼求書遂得通問今年復還蒸上頑癡如故秋清桂香伏惟調適不具

致孔編修葉吏部

摺階
煥彬

仁兄侍者心田再集新學遂灾狀頭喪元李師入獄吁可駭也然不揣其本而淫刑以逞人知懼矣其能久乎維持省城惟在居者祭酒滇道一光一黯皆非蘭亭所敬暗中補助其在兩君凡與官語切須簡要與官往來最忌往見聞近又延至周俞意在大捐此則又可

不與要之城多岐而皆喜自結湖南專跋扈之名世
年矣有一澹臺乎盡陽鱗耳以逢迎爲跋扈乃湘吏推
委之詞非實事也熊庶常聞又被指名其父甚懼罪不
相及乃周典也父爲子隱又孔經也彼來問計吾無以
策之今就兩君而謀焉未知已來謁否總之陳撫臺害
人未必非湘人之過熊所言開大學堂張王有力焉淡
言微中而怨愈深方今曠蕩之時各宜釋怨不宜攻擊
祭酒已無成心牽連老熊是何人也望進而解之專此
條程敬頌秋祺不具

致胡大令

箋啟六

十

翔清仁兄大人台席秋初在省適從者已旋衡館相去
一日無緣復覲聞榮任有時不出季冬從容陪宴未卜
何方遙企清塵以爲悵憶前委作神誥謹以擬成茲遣
族子代偉齋呈鑒定此子舊習書算頗稱善賈時事艱
窘失業多年欲及從局差弟未便爲之于乞貴局雖人
員濟濟尙係大夏可依如畱派錢房當能勤幹或司事
有缺由台端稟委尤爲感荷潤筆一差本督撫舊例仁
兄指顧超遷敢先以爲賀如萬難位置或於衡府商店
先覓羈棲以待揆補總期無空返耳專此敬頌冬祺並
叩邱福不具

致譚大令

震青仁兄大人閣下前得手檄尙未奉復緣子獻約過後遂不來也臘煖春回伏惟侍奉萬福政紀宥施爲頌此間自琴從去後無日不思蓬公尤甚於部民知公佐敷之效也閩運明正遣嫁弟九女二月當往河南觀場一了家國之恨京城不可去可去亦不去矣小兒被舉特科亦令其往試不從政以今政無可爲也尊公頤養益勝但小縣未必供甘旨方愧無以助養乃承嘉貺益以不安明日送竈家人均作饅餌來使促發輒書兩紙悃悃可笑伏維安鑒兼叩年喜不具

箋啟六

十一

致劉大令

鏡清仁兄明府閣下去歲賢子送到手教具承存問頃讀來諭猥蒙賜壽嘉詞駱驛慰獎勤拳敬謝敬謝量移借重皆采循聲爲缺擇人上游專政局外無從置喙致負遠期方伯故人之子義當規以廉公若及私情是負亡友前曾薦賢譚許以兩公皆不能無私假私濟公尙無傷雅今茲調劑非彼徇情有負垂青方深愧赤隆儀二百何所取焉謹以原封退還來手賢子及王生所雷聯幅暇已塗鴉附件荒函希爲轉付願頌台安不具

致弼饒州

澤清仁兄世大人侍者去臘得手書慰問殷勤文旨脆
蔚具仰賢昆仲英才名德篤舊念微欣佩無量尊公榮
膺天錫壽寵彌隆預在通家遙爲慶喜榮材領郡臥閣
有餘山水清雄定多佳賞時局遂如南宋他日必資州
郡之力有心經濟者正宜及此振興則荆牧平原相期
甚遠閩運雖老必不甘作俘逋也初到應接頗煩俟過
夏清閒再當續問先此奉復卽頌署中全福唯察鑒不
具

致裕衡州

蓉坪仁兄大公祖台席幸會惓惓遂逢苦雨車馬斷道

箋啟六

五

又似前年會試時想我與公相見必有舊雨也求公者
非一人此時亦無從說起惟有隨丁劉南亭久在撫軍
後營差操穩練因求營務處向統帶求拔哨長該統帶
大人不知從何進身大加挑斥云文官不知武事卽當
革責此弟生平第一大釘子也軍中五十年乃爲無名
小卒所辱若有鐵侍郎之權力必徹翟大人而補劉南
亭矣旣見窘辱只得撤回隨至湖北曾見端公又薦江
西得充幫帶今閒居無事求令營務處賞薦一事必不
弱於翟大人緣懷恨四年特將此事訴之台下並求與
文武諸公同觀之實熙朝新語一段故事也

致張孝廉

兩珊仁兄先生台席再謫衡陽又觀綠火幸託清吉坐賞高秋每念城游且欣且懼側聞經畫克饜羣心但免訪聞卽不雅正幸甚幸甚衡州舊有長郡會館兄想亦早知因地太偏仄多方恢拓財力不給久議無成今生意稍與客游稱盛始發捐簿廣募集貲大要仿古什一之法量力俛助弟亦書捐五十元則他可知矣貴和豐公司分在衡州者獨爲興旺每歲可出入二萬金以外例捐二百金主者以老總爲詞必須請示能游五侯門者獨有闔運特此呈送捐簿務乞書捐二百金發交分

箋啟六

十三

店功德無量所有好處弟序啟已詳無庸贅敘也專此恭頌近安不具

致馬生

用度浩餽專靠出賣風雲雷雨一信百金久出筆單而令叔以瘦鴨換之故爲難也旣承居間今送上奩書一函兼示其意後帳免言不誤主顧亦吾賢所宜知也致夏觀察

子新先生大公祖節下奉別後旋聞榮命未及箋賀亦以解館在卽擬親詣轅荏苒旬時遂至歲暮伏想釋煩居簡綏福迎春新使方畏人言或仍借使君爲重耳闔

運往歲必還省度歲今以敝鄉新起樹藝局暫畱照料
不獲入府同縣萬生前因余太華轉求併幪屢諾轉啟
見時或又忘之萬生朝夕難支閩運因循歲月檢點年
債此亦大端用是特介一函俾其面叩尙冀假之盈尺
以恤孤寒專此仰干並賀歲喜

朱明盛長方歌南鎮之功青使宣傳復備東階之賜捧
瓊增重結軫增懷敬諗子新先生大公祖靜肅民譌恢
閔國政撫孫虛如赤子益智無涯贊湘郢之謨辰揚仁
更遠企瞻帝日定協凱風閩運招屈有心和陶空作樓
船望海敢言競渡之能角黍登盤竊慕含飴之樂徒牽

箋啟六

十四

宥俗未遂樞趨輒附來鴻聊隨賀燕敬頌午祺並申謝
悃

去臘承賜年費禮當恭繳因戒行在卽恐勞諭畱祇頌
不辭祇深愧荷新春事定百度咸宜重惠來章藉諗多
福閩運濫設臬比條逾十載正當歸老適遇賁臨方幸
賓主之歡重續棣華之好緣三女皆已長成方當議昏
久客衡陽便成就閩兼年已七十精力不支乞假還山
事非得已講席已薦代者首士想必啟聞月課甄別例
係專主課卷甚少一目了然如其擬題敝門徒程戟傳
陳完夫均可代擬謹先綴關帖以免懸待餘俟續上先

此奉復敬頌台安不宣

復陳觀察

復心姻世八弟無恙頻聞言去實亦望歸官本遽廬時多荆棘暫作狡獪無損本真浮沈候補之廳日聞差缺之說暗隨俗轉習與性成又不若珥筆木天自稱侍從猶待半日間也張幼樵所至句畱遂淪牛相由傍觀之竟何益矣楊世兄多儀見餉具已拜登唯四百朱提不合文例向來朋交銘志不受筆金楊銀想已送交匯票不便取用乞卽方便撥還彥規俟得便時再交由匯票則不必也彼此皆無急需終於反璧而已何必亟亟乎

箋版六

十五

兩弟皆到書院暫居均能將就闔運今年當遣嫁兩女暫不出游端公質美未學恐尙不如張也行旌近在何處念念

鄂游來往惟恃北道主人既勞從者又損彩票得半月款敍亦已足矣羣道縱橫各有所主出言尙須謹斂恐人描畫也劉君舅無苦差可當伺便或有優差龔文生則須苦而兼優苦有出頭優無枵腹遇有相當或兼或本皆可以鄙情達之要津專主之政但不可自己出耳四哥到後十二便可送妹還家此實便事兄弟姊妹多又各從宦易成路人不可不傷也傷如之何不容氣而

已聞運到家後卽日南上每行損己損人頗悔輕出然不能已也俟嫁女後便當扁舟江湖不復上岸矣功兒本欲坐送船至鄂緣官舫遲畱將俟月初乃來疆臣又紛紛調動湘省亦大有更改尙不知孰勝負也

復楊道臺

彥規仁世大兄觀察台席曾隸門闈未陪尊俎側聞宦迹無忝先箴方觀時艱願隆楨幹先公豐功碩德久應鼎銘昨讀行狀實窺原本略舉大德愧不精微乃蒙廣敬甄文謙詞重幣庭實旅百金次見情觀禮知仁孝思維永敢不祇承遠貺昭示朋交惟聞運舊例凡託在知

箋啟六

天

好卽不受金桂陽中丞是其前比已令復心世兄轉寄尊處非敢辭億受萬聊以重禮輕財想荷照知彌殷敦謝台旌計抵白下時局必有更張能便還湘亦云良計專肅復謝敬頌台安

致李巡撫

仲山侍郎大公祖節下長沙上謁祇以門義過從未爲傾服也昨聞三奏請對遂絀吏議相去遼遠未知訐謔欲陳者何要以舉世汶汶之時獨醒獨清江湖魏闕孤忠萬里鬱結憤發斯誠烈士之偉度朝陽之鳴鳳矣富貴浮雲時來得意必有超世之量乃抱孤憤之懷使他

日史臣猶得歎息想慕曰某也一疏某也一策則千秋之業何必臧洪遙企清塵曷勝景仰近日行抵何處作何歸宿雖非所措意亦願謀長因感橫流特書奉贊敬頌台福

致陳兵部

小石仁兄姻大人史席去歲先秋渡海本約仍還入都故未告別人事牽綴忽又一年秋初戒行又爲衡人牽綴堅約明年講學一歲乃許告休致事之難不獨在官者有經手未完也江文通詩云送君如昨日每念天街元旦錦城絲管未及一彈指頃況去歲消息之相聞乎

箋啟六

十七

循覽來章情餘於紙殷勤下問尤見宏規黔中正旺功名必遠庶幾文誠之好善而加以精明則曾胡不足多矣八郎求師自以孫伯璵爲最宜彼能禁約家人文理其末也世家子弟幸有蔭藉何必役役於場屋舉業惟近正則自有長進孤居涉南不如旅食京華前切言之而不見聽仍望念舊篤姻爲謀長計卽得與仁兄同居尤佳觀察未深思似又避嫌闖運未敢干豫以爲負負來示云欲出似亦過慮若時勢不久積金買田豈能安居如有十年廿年可安郎署一麾居然實任考差內轉富貴多門汲汲目前殊爲蚤計今人鼠目見二李軍功

則思投筆見七耶指使又願學洋誠讀史書始知如張
翁紅人自古多有其才具遭際同而升沈頓異者又不
可數焉見我之必得耶孔子知富不可求乃樂疏水所
謂君子去仁惡乎成名者爲學人說耳求之彼無可憑
求之我有可據聖人非教人蔽菜根也天資廣博當味
斯言闔運從來不爲高論世人自躁擾而已承示索詩
比有錢店兒已刊行二本容卽寄上來篇亦當細讀加
評奉繳闔運今年多半鄉居以早年發願點畢廿四史
各爲數語係每篇之後以備遺忘資談柄尙有元明史
贊未畢城中客多一日點一本便覺爲難稍一壓積無
能補足故於山莊閉戶了之今已完工矣明歲六十期
於佚息不復作學生日課也家中幸託福芑尙無啾啾
親丁十六口分半城鄉歲時聚會惟奢僭之習尙未能
改然比之少荃香濤又爲靜儉在城早起秋涼晴爽輒
作二紙奉問起居并設弧之喜

箋啟六

前聞峻擢甚喜旣又念受任危難游於弄硯六轡不驚
懼有隱忍以求合者富貴浮雲偶然事耳立身當自有
本末平日討論籌之熟矣未敢以世俗所榮爲賢者賀
也成都之詩尙憶之否喜青雲之果致恐知己之傷明
誠私心所惓惓而不容無言者清淮奧區總漕閒地假

以歲月可優游矣慎五亦尚不忝康侯則無長進今欲借一麾而投之多虞之地弟不便措言如彼來相商幸有以教之近年移住山莊小有營築差足容糶不問時事族子代縉老客江淮弟欲令其謀一丞簿免於跋涉借援樾蔭未識能否差委特令面叩恭頌任喜

致李制臺

勉林仁兄先生道席津沽半歲日接清塵卅載交期因茲彌篤還程滯促皆累蓬心未得專函時見邸報知近履益康有署攝補官之望非復江南萍梗矣貴縣大盛已兩翰一撫尙有一暗學差乘時而興獨無船政之意

箋啟六

耶甚企甚念閩運至吳略辦嫁裝到家歲盡幸敝縣送潤筆半千藉了去年今正入山誅茅剗土爲消夏之計而工費繇重失於量出遂至觸藩所喜諸女提攜並無疾苦老妻久病尙延喘息假我一年或者翩翻劫剛雪公壯老俱逝同袍落落唯餘俊臣筠仙矣聶陳坐得美除使人健羨旣念兩君又爲君慰也要之事皆隨緣不由人計其有不能不計者則亦緣會使之四十年飽閱升沈此心古井杜詩云願惟螻蟻輩但自求其穴及至棲皇蜀中不如螻蟻所自許稷契者安在假使當年無求穴之心仍然稷契自許果園雞柵差足供給豈不至

今壯氣哉每一思之傲然自得伏居奔走同於應世非
曰君之失而我之得也六女已於前月嫁訖黃家號稱
百萬諸子分產各可數萬耳指日窮矣近惟席研香十
子各得廿四萬金爲湘之冠然無名坐銷亦復何豪文
卿尙云難支毅齋亦復苦貧湘人局勢不振如此因暇
寄問起居無任馳想

去年旌旆過衡灑掃奉待以爲必維舟一夜藉話離悰
乃順水風乘流樣於洲下比時欲一過訪而念厚祿故
人之詠遂以自疑文孫昨來首探敝舍旣已相見致命
見存七十之辰兼金拜賜拳拳之意朋好相誇皆謂前

箋啟六

二十

歲之疑淺之乎相測也然士貴自守交在知心兩者雖
妨各行其是知我者當不見責耳美政流聞似云太刻
方今泥沙浪擲不在聚斂以填巨壑培養民氣整飭舊
章一士之賢足當一國區區效法彊富適足自傾昔李
今張皆成誤國時事大壞名亦隨之死諡爲忠生而何
益此所望於遠猶辰告或冀醒迷雖不與樞機儼然藩
鎮桓文可學靡裕成功羈旅逋逃猶稱盛霸何倭俄之
足羨乎久不對談聊資拊掌庶幾言之無罪耶文孫開
闊誠謹足徵祖訓他日瑚璉少荃所云晚福無涯者此
最足慶也小兒皆守筆硯各有一子繞鄰四孫差足自

娛十女僅嫁其八俟兩女婚畢便可恣意遨遊不能效
向平五嶽當如少伯五湖耳拙著均爲門弟子刊本印
出俟到鄉檢上奉政城內愬宄書不盡言敬頌年祺
前因賢孫上箋亮已入鑿整軍肅紀具仰風規移鎮海
疆卽將授鉞但嶺海利敝又甚江州近年制撫惟合肥
稍勝然開賭籌餉仍襲張餘振而被之殆未易也國不
患貧久成腐語誠近世人心之害矣闔運出游逢亂遂
不成行仍還衡陽且待明歲前有幕子鄔生以鹽吏分
粵卽欲附愬愬未暇茲以廖大令赴轅聽鼓特上一
函廖君聞敏老成眾所推許試與差委或助敷賁鄔子
再得相聞敬頌台福不具

與張學臺

子虞先生督學節下去歲恭送使星未展傾敬太夫人
慈壽賤賀稽遲想荷仁昭恕以方外伏秋校試冰鏡無
疲幸甚幸甚闔運湘瀨邵埽竊承風教雖慚老馬願附
膺龍大比之期知許登進有清泉學生廖曷文好學深
思能通公羊禮記在館三年試必高等前蒙首拔以文
場未得冠軍如荷調入校經俾升上舍漸摩風氣可冀

接步瀛洲用敢巖達以副宏獎之懷闔運比因家務牽
綴未能上省文昌新曜甄拔飛騰遙望月暉惟有企羨
專肅奉問侍福不具

與席道臺

敝處與胡文忠家歲由貴局支送六白金乃張督部優
賢報功念舊右文之雅非乾館也彼以爲賢而餽之我
利其惠而私之則不賢矣是使督部濫惠而受者無名
故必辭也潤公雖亡人知其心必不欲其家受此虛惠
其子孫不能辭故代之辭潤公意也如是乾館則必求
而得或薦而得萬無僞辭之理而易世兄不知大義妄

箋啟六

三

列於表以蔽張公之美而彰胡王之陋蓋其魂東魂西
魂不附體之所爲不足責也又隨大例減去兩月則更
謬矣減去兩月何不裁此二分且不必裁而固已一辭
再辭又何勞易公之歲省區區乎代者不知其由但依
易例弟又遠在山谷從不入城故管然至今也幸逢闈
下明達無私故敢布其誠心去歲小兒所領悉令繳上
今年年終報冊求向名下注一辭謝未受明年不再列
表以免剛中堂之流查帳追繳諸多未便

致曹禹州

東瀛仁兄侍者七日得手書並淇縣圖敬聞治狀兼金

二百以益盤餐厚意拳拳祇荷無已前屢承寄貺以爲
出京後無復嘉羞矣不圖鶴俸又遠分也然銀子不如
杏仁木瓜瓊瑤詩有輕重相念不在多儀也幣美傷德
願以爲意聞運聞河南會試猶欲一行昨聞豫撫告勞
將移江介則夷場相接近不可櫻七十之年不能屈辱
不獨白帖無分且不能爲君後進也山居營築足容兒
孫行將扁舟沅湘載東施以招屈子耳既未聞近所行
泚此書仍由軍機轉遞行程展轉到當歲暮瞻望河淇
眷想舊游蜀顏伯琴亦吾故人見希道意卽頌冬福不
具

箋啟六

三

與曾公孫

震伯世仁弟侍福奔問徒勞飄流遂久聞東干袁凱亦
復無成當世貴人聞風相避誠宜閉門養望收復聲名
子建自試之文竟何益矣昨後山農人來言南州開田
分爲四股君得其一求爲莊頭有是哉又將與兪撫爲
緣乎墾田雖本業志大心勞詩人所戒也山農吳祥發
往在水軍以其貌似郭武壯故加拔用令領一哨今還
力田亦尙是焦大包勇一流欲從驅遣故令一見亦藉
以通問並探消息聞又將還桂聽號房之命似又不如
家居侍親但不與有司爲緣則外議息矣才具門地皆

弟一流待時自效必蒙眾許此數年中誠未可出也貴人但當鎮物宜以王瞿爲法然稍靜澹所求必獲老氏欲取姑與之法想荷深照遲得相聞不宣

致張瞿軍機

望秋仁子致世

兄台席別未永久事遂泯芻當束手之時居具

瞻之地未敢爲崇高慶也舉朝皆在綱窻中而猶欲言政治誠非野人之所喻矣上旣苟延下遂苟仕又所謂打渾水捉魚者耶陳儁公叔子兆奎字完夫年少好學相從十年經史詞章皆有體段因去歲停捐入貲赴部旣其兄命亦當一上曹司人海未宜溷之欲應特科以

箋啟六

三四

定行止兩君旣皆世好又當物色新進之時如此人材亦不多得因令修禮門下尙乞進而教之闔運尙有二女未婚俟畢當汎舟沅湘作浮舟屈子身世粗了幸不潑湯以此傲曾左耳論時事與羣賢大異如欲聞新論陳生口具京華諸舊識當已寥寥一片冰心未敢多愧老嬾省事未別具牋祇頌邸安不具

致陳藩臺

六笙先生大公祖節下秋半上衡正值過縣鳴鏡江響挂帆風利瞻望弗及離情眷然比作小詩補酬東洲之作惻惻未寄旋奉來章篤念之情益形疏簡值闔運解

館久稽還答尤爲荒略也伏承遠謀未雨近慶安瀾鄰
警聞威知復弭帖珂鄉仍有兵事思往日團練者不可
得黃植庭又一鄭夢白也雖有彈章正無奈何幸得安
居從容度歲公子在近亦當來否眷屬團圓甚慶甚慶
闔運還山陞伏并不入城時事可驚游情頓減明歲仍
還故館俟時局定後再議東行便道奉謁耳闔運表弟
蔡溶春幼孤惰農唯貪坐食前充衡麓局巡丁有年因
屢調疲奔欲移岳澧肥缺伏思大公祖經營闢權可役
多人遲則後時特令先叩或暫於岳澧麓局令得噉飯
數月以待開關雖瑣瀆妄干事實切已但指揮可定不

箋啟六

三五

費吹噓仁覆爲懷未遺微賤區區之求必荷照察省欵
兄未及別候尙希致聲專復叩安敬賀歲福

六翁先生大公祖節下去冬至長沙度歲頻詣公館探
候起居奉到手書慰問殷勤情詞周至彌增跂慕藉諭
康強旋聞移節華陽正謀入蜀計日瞻對致未復書夏
秋因事至衡復問蜀警爭傳偉績迭荷恩褒補卅年前
勇號之遺躋卅年來應升之品且知凶徒闖入禦寇門
庭壯哉是翁奎員昨舌於此乃知知兵之效也老客聞
之增長氣勢望青城浮一巨觥甚快甚快闔運因弟九
女許嫁衡陽復來暫住船山一席曠館兩年廉頗思趙

人待開府兩川無忘相約勿效晉行之不待也媿屬已
安抵成都未省城信難眞竟未知也學堂萬不能行非
無師之難無弟子之難張塾秋管學而首議不改船山
則又非無弟子正無管學公聞之定掀髯耳

致朱兵備

曼伯先生兵備節下申陽過客再接清塵適館授餐情
文周至北轅阻雨南士思歸車殆馬煩未能上謁企瞻
鈴閣但有欽遲會合有時行當更覲春禳多福頌幸無
涯舍親陳杏生近得依仁又叨世末近聞電局委員可
以更換吳仲懌侍郎與公至契信陽實隸提封欲求特

箋啟六

三六

予吹噓謀所以位置俾資餬口冀積薪資使窮老諸生
得成歸計恤忠念舊固高誼所優既有所懷輒敢私布
如非杏生本意尙望開導使早得還鄉似勝於依人作
計耳專肅申謝敬頌道安不具

致但糧儲

少村先生大公祖節下今年恭逢正慶擬詣公堂介壽
賀春藉舒誠戀人事懇促未及修箋適拜賜書倍承眷
獎獲觀石刻足副遺徽叔鴻近學翁劉無假魏習氣惜
拙文未及六朝耳闔運初約五中前泛舟下湘會得大
雪自除日至初二夜浙浙未止逆風淺水懼阻昭灘謹

遣使奉書輕齋急進並去年一聯無之容二月間補上
並送廩公也鄉中無人照料婦女輩又復來衡亦俟春
水生時同還山莊耳專此奉復敬叩壽喜並頌春福不
具

少村先生大公祖節下前在省宅避干謁之名致未走
詣將俟秋闈奉謁又值監闈遙企光風曷勝欽遲校經
課卷久未寓目廩公見委實亦欣然及閱撫課無卷可
取黃茅白葦迥非早年諸生不以讀書爲事誠可憤惋
比卽致書辭館兼請停課次公置之不理兩司竟未之
聞又與書家中諭以退銀繳卷頃讀來示亦陽爲不知

箋啟六

三七

三百五十八人苦我甚矣下交五十載義不敢原封璧
回又依撫例悉心評點封呈鑒定分爲四等取錄上三
等遂僭定名次用省清裁其不取兩封及備取一封亦
略有次第但未填寫等之自鄙公若憐我乞告知顏朱
後勿再施號稱辭差而當差如故亦公恥也今夏幸不
甚熱入秋更涼伏維珍重闔運將於秋節前暫還山居
期於麓山登高以候清塵肅復攸安無任馳想

致俞巡撫

廩軒侍郎使公節下長兒來言薦牘下及小儒不期豚
犬之才得與龍門之品方慚失教更獎傳經仰承慎重

之至公已復旰宵而自勵修箋待上新詔旋聞移鎮六
原爰綴左輔臨汾三唱慰公還晉之心負杖重觀感此
傷離之意想須和煦候送旌麾謹遣鄉備參承福履三
元瑞雪歌郇黍而占豐四郡黎民冀名棠之暫憇闔運
尤蒙深眷倍益遙忱肅頌春祺並申謝悃

正月初卽上箋遣長兒齋呈材官來奉賜書閱三日又
由驛遞到手教欽遲欣頌誠悚感公之惠澤在湘非
獨被山民也而尤拳拳於物外之一人則襟期所寄必
有殊於世俗者出處之際何待贊詞方今時賢誤於輕
率其鎮靜者又流入模稜一流淡泊安靜非公誰任目

箋啟六

三

疾得閒自愈愈則當起滄海橫流處處不安蘭亭豈永
和時耶暫時雍容一從漁釣仍宜訪求異士俾代煩劇
他日總其大者可矣與其求之吏民不若求之舊友和
局必不能久任事能有幾人公殆有訪子陵雲卿意耶
吉行不須候羸珂鄉老叟之錢長沙亦應有也仲春初
卽當詣謁昨已憑唐衡州傳語矣趙冊遵命題名藉使
奉上送行文已起草因字畫太率俟錄正本再呈鈞鑒
送行詩則未遑作作成時卽題寄冊一並齋呈日內遣
嫁弟九女須初一壻迎去乃得擺脫畱使四日恐訝稽
遲自城還齋夜書四紙莫盡瞻依答謝之意恭叩道安

先賀榮喜

虞軒先生使公道席城陵磯前逢來舫比俱欲停船適
兩輪相切至近頃刻皆過瞻望歸旌唯有歎美旋聞就
養夏口復擬通候適裕蓉屏來湘面詢起居寄聲叩安
塵思塞胸頗憚修箋日復一日乃荷手問懇懇拳拳不
遺野僻知明公閒健精神充周甚愧甚喜承示游蹤如
陪杖履桓樓梅隴先後相聞釣石猶溫清尊未渴近復
思還京口眺賞金焦高興遠懷定增詩畫但風飈所及
聲息惱人未若山陰鱸香酒熟謂宜扁舟湖上先探林
梅仍泛雪谿暫歸戴宅閩運將薄游膝閣洗馬灌池臘

箋啟六

三九

節還山再詢動定湘中漸復囂競咸思鎮靜之功幸歲
稔民安聊可卒歲專肅奉謝敬頌福綏無任馳想
致趙巡撫

次山先生使公節下還湘未敢上謁四月二日出西門
道逢軒車飛蓋雨中前騶簡少心目爲之開朗知賢者
固不同也卽此風聲官士傾動因而施政必有移風易
俗之能自六十年來無此明君良牧矣五月朔奉手教
具承綏福發到課卷加之獎借披覽終讀悚懼恐惶身
無田子方之名而被魏文侯之禮謙稱下逮交誼遂疏
不審何由屏之門外閩運與節下年輩相接氣味略同

晚之號何由而生教之稱以例而及固當引分自遠不
附苔岑將俟收回乃後安帖耳校經課士與自吳公將
及百年名臣舊學並循得此路闔運以生童而躋校閱
亦既卅年人競研經言皆有物自甲午以後士皆驚於
進身稍知名字爭趨局館唯不通童生及外縣村儒一
人數卷妄希官獎今發來六百餘卷遂無一通人不意
退步之速至於如此謹爲批抹以待鑒裁此後可停止
月課以示甄別亦令有志之士知所奮興事有改弦此
其一也如方伯列位必循舊例則襄校一席請付他人
闔運必不能以有用之時光疲於無益之評點輒呈所
見伏候參詳如不責其妄言幸轉告之僚部新晴驟熱
惟安和珍衛不具

箋啟六

三

承詢停止書院改立學制救敝正俗莫急於此竊以爲
國家學政本有專官上失其職咎不在下今之改學則
務在糜費官款無出專恃民貲以有事之秋興不急之
務并心外國專聘倭師就一學論之堂舍器具費至萬
金教習監督薪水數千購置書器錢亦千萬一縣物力
必不能供常德奪產殺僧郴州遂至民變湘潭蓋歸侵
蝕寧鄉徒事鋪張以此開宗何能造士且漢儒稱盛良
史譏爲利祿之塗宋學廣開先儒尤憾科舉之士儒爲

國畫有由然也今須先明廉恥分別士民次整儒官以修專職謹擬學規聊備警說人存政舉則在明公

致譚兵備

芝公仁兄先生兵備節下臨別殷勤荷承重餞儀文稠疊感愧交并一月馳驅幸已卒歲閉門臥雪眷戀清光遙想戟門新成大夏師範之館當亦興工朱守傾心唐翁助喜樂可知也跂予望之闔運專館已辭餘緒未已明年允再一往期以春深船山一席遠難兼領又闔運少時見何蝦叟動兼講席曾面進諫詞不宜老而效尤貪得微祿謹卽奉璧大聘附繳四金丁叟處未另致函

箋啟六

五

希爲代致北事大約啁喝以糜費國財南道主人力小任重竝健者之不如是可慨耳附呈近作數首南豐橋一箋聊爲歲饋敬頌府中金福順賀年喜不具

致裴通判

裴大世兄執事前得光祿公赴狀時正值東游過淮安迎女攜有姪屬未便艤輪訪弔本擬歸塗登堂乃值北亂怱怱恐江湘阻隔飛馳而返至今又四年矣日如駒隙碑志未成得讀行述及來書知已從宦服官在近是時又適有鄂游以爲不必作復卽當見面及昨至江夏詢之督撫云未在省撫臺云曾見一面似不荒唐將來

必有位置云云及還家又接手書具知在鍾祥幫審甚
以爲慰七年不通信者有此委曲未嘗一日忘光祿也
闔運有三宅一在省城一在湘潭西鄉一在衡州不常
厥居故通信最難行述中獨不記尊字故不知字

唁龍郎

驗仙世講廬次三月聞尊公棄養追念游處不復能作
哀弔之詞誠以求友九州知心無十就中最久最契者
惟餘靈光二鄧同時其知我不及也尊公旣病廢闔運
亦蹒跚世間固知同死然豈能忘情於啣濡乎以此言
之則今之唁慰猶世故也子威來聞當門知禮稍以爲

箋啟六

五

幸爲學在通不在多在實不在名求之至淺至近乃至
深至遠也卽以喪服論今欲制斬衰服屨筭經豈故紙
中所能搜辦宋代諸儒近時徐秦程江等著書等身不
能制一衰衣讀書尙何易言由此三反卽可發名成業
家事有賢母支持自無勞念耶

與龍郎

研仙世講姻仁弟侍福去歲一書已久不省昨到城乃
得輪撥寄書及百金之贈詳哉其言之也政聲遠聞甚
慰宦橐所餘盡付工商雖不自利仍與往年卅學無異
此經濟與經術分科之故吾所以不東游者惡夫盤詰

非惡商船也來書所云似以風氣未開爲疑則仍陳巡撫之塵言豈曰新乎四郊多壘非士之辱幸及餘年優游卒歲婚嫁將畢行當扁舟湘沅作歡喜屈原不及國家事也嫁弟九女搜括殆空得來銀濟之甚副所需然不必也寄賞與我亦譬之今日言生利贏餘者不知其千千萬一擲泥沙耳何如畱此些須以濟窮困厚意長存努力自勉爲光多矣易昆甫有嗜好知吾賢已節嗜好尤所喜也適將往河南作經策便復二紙頌堂上福安餘俟邯鄲

致端兼督

箋啟六

三

自別桓樓如有所失非獨感公款至亦以擺落塵俗開拓心胸俗吏儒生不能拘限具此識力乃後可言設施間氣所鍾一見爲快想公亦照之也雖然今日疆臣供人指使而王瞿又無所指使規模雖闊實際難言況復五日京兆二品教官比之曾胡猶多不逮惟冀澄心養望察吏求賢毋遽遠謀以勞心力學生狂議度外置之無所用裁成誘掖此皆張公所自招耳范仲淹傳彼未嘗讀也在嘉魚奉上一詩計已達鑒官舫遲畱五日始至長沙無名之費斯亦一事鄂中似此者無數泥沙錙銖自古然乎雨窗奉謝敬頌台福無任企仰之至

致黃藩臺

花農司使公祖節下天津通謁未接清塵星使經過徒
瞻輶傳前以山莊之鼠竊復承冰案之鷗驅蔭樾知仁
修竿尙簡恭維新命將涖大藩趨送仍稽捧書滋悚校
經諸卷校閱稍遲以月前陳情撫藩謹辭不敏乃更駱
驛遞到應接不遑欲踐前言懼違台命令亦評點呈鑒
務乞詢之次帥及方伯曾否照察區區此後兩副使課
卷萬不必再寄敝處免致往返延滯無任感荷專頌節
安卽代叩送

與陳郎

箋啟六

懷才欲試人之情也懷才得試而見用則患所以立而
憂及身矣懷才而不得試則羞妒忿激不肖者至悖而
思逞如康有爲之爲亦人情也楊度但以慕名之心轉
而慕利暗爲梁煥奎所移而不自知前之師我者亦以
名也非求益者也與夏時濟同與廖登廷異廖登廷者
王代功類也思外我以立名楊夏思依我以立名名粗
立則棄予如遺矣故康廖猶能自立楊夏則隨風轉移
今日師日本明日卽可攻日本師之而日本不得其益
攻之而日本不受其損其能損益我乎彼無名利以招
致人則不能有黨徒爲可笑而已不足諫也功兒計已

到京莪女亦已至邸乞轉告功令轉告我使知我知之而已考特科應酬事也想不必得意失意惟煩寄語吾黨之懷才欲試者衣錦不可夜行名教自有樂地發財升官不可力求歸來歸來桂樹叢生兮山之幽又自有一番景象身外事不足道也五月廿三日晴窗朗涼書報完夫

完夫世弟文席前聞李甥言亦將爲榜眼所邀頃得書云定還州進退雖異容身一也貴州有尊公遺業大可爲義軍響應楊哲子之所羨豈但爲譚劉恢張而已竹軒近頗有張法

張法卽設法春秋所謂文致

大概學胡文忠非由兒

箋版六

三

教也屈已推賢則好善優於天下吾雖不能助之何能拒之所謂前言不知何指本約有急則往非欲興文去年已約午詒來山莊度歲竟無回報計今當束裝也還州想在二月此時亦可同游否攜妾從師正與後堂絲竹同義一洗擔簦負笈之陋劉仲長所云爲寒生吐氣者其功賢於開民智矣

與四子婦

二月到省知懿兒不告而去追至漢口已渡海矣此令兄及羅順循設計辱我不知我辱湘潭人亦辱也卽欲假官力電報追回以事太操切傷父子之恩又高攀貴

門而令有離絕守寡之事重貽堂上憂甘自受辱而已
輒爲之三日不食旣而思之杏元小姐被姦臣陷害此
事古多有之自不合生癡兒不宜怪人以此故豁然矣
然令兄則終身不願見也瓜分之說外人無此心妄人
借以求富貴耳彼入我京師而不能滅我比之吳三桂
迎攝政王時一能一不能已自判然就令瓜分去無道
而就有道有何不可孟子曰人役而恥爲役猶弓人而
恥爲弓我不能自立而身爲奴虜固其分也又何辱乎
女之惑於妄言必無他心誠杞人憂天之意耳令兄身
爲男子而區區以無業自恨欲求衣食之方則其見小

卷六

三

手不能縛雞而欲憂天下之亂則其膽大能言而不能
行則其技窮倡率一家皆爲無益之憂舍家庭之樂求
流血之苦則其志迷平嘗怪易中寶魂東魂西以自欺
欺人而於吾懿親弟子中親得之更可怪也近日事又
大翻矣特科弟一二人皆被黜落湘綺弟子不取一人
乃以石屏州人爲狀元雖不知詳細甚悔令功兒應試
他日或誣以康黨未可知也語曰無過亂門過猶不敢
況欲入乎從此又長一見識不復施庭訓矣前十餘年
令諸女學裁縫以當就案邊授受遂輟此議裁女嫁後
學之今女亦能縫是吾望也賞周嫗衣男工不能及何

敏妙若此獎一皮襖試能縫否見與六姐書語多幽憂
女子之職在奉祭祀待賓客育兒女以養人爲職故坐
食而非泰也維鵲有巢夫人起家而居有之有佐夫之
功家國所係以存亡夫或不能獨成夫家子或不肖保
其宗祏繼絕存亡將於是在今不憂王氏之衰而目
營四海輒欲自致富厚爲旦夕之供養將令吾家皆仰
給於女而後爲婦職何其已欲立而不立人也夷狄商
賈之行而楊王何取焉推撫資孫之心足以爲賢孝推
憂己無業之心不過爲市僧故擇理爲難也此後慎無
謀食無憂國上侍賢母下撫兩雛閨門雍和有慈有威

箋啟六

三七

池蓮院竹冰月清風時復微吟寄懷遐古此亦人生之
至樂生民之多幸何必坐愁行歎儂焉如不終日哉山
塘工匠需錢穀價又賤存銀稟命便可與王傭放散六
女等七月當歸九女在劉家甚相安一家皆驕養之以
爲千金小姐已則自比于寵婢傭女王氏女學於此得
效不必從龍入潭三諸蕩子游乃爲民智開通也趙撫
佳人倭氣頗深吾亦敬而遠之信來不復以諷諫而已
中伏弟三日書與兆仙

致夏編修

午詒姻世仁弟侍福頻得陳譚信言文從當歸頃因江

使問訊還侍節堂幸甚無恙考差不得耶抑未預考耶
兩者皆失之矣尊公見召又承隆禮想亦趨庭之力然
事未易言也已有詳函覽之自悉衡陽鍾生頗講肝膽
九女婿言其可靠欲覓餬口之方彼與周敬湖相善妄
思依附特與一函希稟知堂上指揮各局試其能否如
或可用亦椽桷小材足備任使非盡請託也其或不中
則於鹽局覓一小差不飢餓足矣冬間當乘櫟渡醴一
謝尊公藉得相見專此恭頌文祺不具
致夏署撫

菽軒仁兄大人節下奉別又將十年時間佳報均疏賀

箋啟六

三

簡伏想因宜施政卽事多欣爲頌爲慰賢子一疏幾於
奪官闔運因此大爲孝達所憾雖絕交已早而彼怨方
長然經此大創遂無公議得賢子爲鳴鳳使他日考國
史者知當時尙有一人萬古丹青以衰年謬附不朽誤
中之誤竊自幸也隆兵備疲老龍鐘得依樂國一切安
置務乞加意從優旗習不知理家多屬賸削闔運實愛
莫能助不審能飭紀綱定一常額俾得量入爲出否其
所存僅了日食若爲之開源尙不若爲之節流也到城
恩惠餘俟續布敬頌台安不宣

菽軒仁兄先生侍郎節下前歲寄書後以賢子時有寄

詆動定輒相聞知謀國涖官皆宏偉略不以封疆爲限
誠副傾企之懷欣胡丁之得朋也在衡州微聞貴州人
言將詢及芻蕘方深屏營八月底因趙次公相約入城
道逢軒車疑是來使遣問果然持派大員致其條聘展
讀手教謙抑彌光雖文侯之於子方畱侯之訪綺季無
以加也滄海橫流有此雅度已度越岑張矣改學之說
闔運久欲建言曾與孝達面陳墊秋書諷又上箋俞撫
皆不諒區區秋間湘省沸騰擬呈請奏又聞慈聖意在
停止嫌欲尸名茲承奏允已於九月三日具呈督撫求
爲代達並與書次公條陳建學之宜鈔稿呈覽如以爲

箋啟六

三十九

可自無須延師或宅安學使到時會商整飭爲善至於
私情談宴江湘接連訪戴之舟無勞具楫聘金路費皆
不敢承恐湘兄不肯收回俟見時再爲面繳闔運暫還
船山固守本學陳復心次兒已奉左全孝指揮撤我皋
比矣誠可閔笑也

致沈山人

夢谿仁兄文席周生來得手書知不必作復韓生來又
惠賜樓記洋洋千言內敍肅李數言發同人之所未發
循誦款惻再拜領謝知深人無淺語也年豐穀多可以
釀酒亦宜因此時暇以自娛不必再勞筋骨以待大任

瞻望山阿悠然自遠闔運
詩錄呈鑒粲東洲避暑萬事不關清枕竹牀有同陶臥
張正暘在此說詩曰有新得嘗愧小慧未儕大雅來詞
過謙恐非苔岑舉世營營而十步之內得二芳草所樂
同傳以繼長沮秋初或還遲君枉駕先此奉謝敬頌道
佳

致趙師俞

晴帆仁兄大人閣下去歲從族子處得手書知前計不
成反生枝節以爲歉仄昨由郵遞到四月一函藉知起
居老健守貧更無人間猥承特鑒遠愬深衷愧無置驛
之能乃辱無魚之告循環三歎悚荷兼榮仁兄古道持
躬可敦薄俗闔運夙無介紹一見傾襟以絃子時受良
箴知當時鮮同直諫仁而不遇義所當欽是以不揣孤
鳴代謀優老自恨無力口惠爲菑茲荷輒咨敢陳憤懣
方今隨俗者眾知古者稀江南大吏誠多舊識然皆以
虛名相假有貌無情今若挾要津一函猶當審其最要
山中老朽薦一布衣投書旣未必開函延見亦徒資匿
笑況閣下所彈者古調而今世所貴者時趨北轍南轅
何由會合如有訪求毗佐物色驪黃虛左以迎侯生北
面而師廣武尊性慎密加以撝謙又未能抵掌而談揚

眉自許則兩無所益或反敗名是以環顧四方竟難位
置爲養老計但有澁薪此等聲氣所通吹噓立致如閩
運等輩未敢與也然信陵孟嘗容有其人亦未敢厚誣
當今必操衡纊因君厚望一發牢騷耳閩運不樂洋船
聊行鐵道遇雨而返又成浪游已於四月還衡仍理故
業所主者船山書院非文峰也而尊商亦竟遞到適與
新中丞筆戰羣儒十日方決又值端節債主紛來裁復
稽遲想不爲訝紱子近在江漢歲入頗豐嗜好愈多殊
無所益老態龍鐘爲督部所笑幸未勒休而已知念附
聞彼想不與百姓說話矣早熱伏維尊候清和爲頌

箋啟六

聖

與陳璜

齊七世講錫文席昨寄一書忘索詞本茲特專人來取
竝送午詒行狀如已回桂陽請專足送去張正賜有大
志非三百元所能糜也終歸於三元竝無而已周世麟
大加運動一無所效亦其類也楊云舫恐其無成蘇令
處亦託人先容遂置不報又過一年且看如何還山小
疾諸女亦多感冒過年無事亦無文思天氣不晴不雪
又悶人也船山監督擬請午詒爲之不取薪水如相見
可示意焉順頌中外年喜

致王知府

子常仁兄先生台席奉別卅三年人事變遷故交存沒
不啻如丁令之歸城郭麻姑之歎海田千斛愁化爲五
色雲皆文波詩料也以此間散遂予耆年孝達變爲洋
人爽秋遂從暈氏尤可駭矣獨吾兄名字時從佛名朝
報見之兩舉特科皆爲領袞喜其健在笑其多情雖無
因致書而清揚宛接今秋偶入城居弟近分子女爲二
家一居長沙城一
居湘潭鄉一從游見架上有書二函曾未發封啟之乃大集卅
卷唱和詩廿卷詢大兒云初從都中還不知所自來小
孫又言有手書已便寄衡陽弟竟未見惜此墨妙喜讀
多文盛矣富哉交游門下之多賢皆使君倡導力也又

箋啟六

望

閨中友侍並有清吟不必女學無妨纏足尤足助吾張
目矣日對百客不勝其煩猶盡讀六十餘卷而後還山
念去後無從置郵謹因同鄉葉君先寄此信餘情不盡
亦無由得盡得君心照而已專頌道安暇輒相思

致程通判

阮樵姻世二兄侍福去歲輜簡足徵衰懶入春多喜亦
闕問箋頃奉來雲爲頌爲慰閩運城中百日如行荆棘
廿二日到莊次日卽被敦促甚笑甚慍旣承雅命在家
一日必代閱官課卷一日上學則必不能以撫臺迫我
以制臺嚇我皆所不受也但不必宣言俟出游後無處

蹤跡自然止矣此頌雙祺不具

旣樵姻世二仁兄侍福奉書感荷端節前必不能來當俟事定遣船之說希卽轉告前途免勞往返煤太累贅油可得干錢相應乞交餉船便付湘潭城內可也山西信甚不佳出主意者又重辦奇之奇矣此間數傳衡警必當應謠言也惟小心照料爲望

聞木料業承代購甚感甚感夏水大至附便至湘爲宜不必急急也鹽局章程定否有子姪數人專望混飯去年已面告可亭世兄

忘其號

今年未聞消息貴郡局事知

不能辭已開辦否坐待又恐失時今遣舍姪月生先行

箋版六

四三

求見或柳或桂務望賜書往謀一事其人久習商業頗爲穩實在敝族中尙爲老成不比瑞生卯金之流也能從指揮則尤妙耳聞粵鹽亦發小票闔運有改業之意每年以衡桂館金千元試辦不知可否如可俟四川還仍來教書學子夏名商也

旣樵姻世仁二兄近好別後馳騫無暇幸於月初脫歸約以明歲再往館已辭矣因竹軒欲借作膽心不能不再去也印書費心如書經叙成乞交榜眼帶來爲幸船山不能兼顧今遣送關書其聘金已兌用乞於安記取票銀四兩令賢子加封籤並飭紀送往觀察處爲懇信

物并呈卽希照送眞南京鴨子一隻眞假南豐橘一簍
聊佐磨麻又周姬求九少爺襍篆屏四幅乞飭并交夏
帶爲感今年辭去二千金畱下一千金夢寐不安年終
尙須還文債也竹軒大有長進宜其開府惜闈運不能
輔之以無交情之故其不能不去者禮意隆重之故并
以附聞卽賀年喜

旣樵姻世二兄閣下得書並惠寄柚脯感謝感謝衡城
暫別變故多端世上千年可爲歎憶福門安吉春宴多
歡頌甚頌甚江西約須電追卽當奔赴講武非興文也
去臘已約榜眼今無回報來函及陳信均未提及豈不

箋啟六

聖

居衡州耶船山十年毫無功效自應辭退不關竹軒關
書例須三退如再送來卽存尊處弟來去非紅書所能
招致此理易明所以必退者便於彭傳臚薦人耳叔揆
如須出游可同午詒同來我若先去亦可後來與午詒
同伴但告以係鄙意便不嫌攀附矣此頌新禧

旣樵姻世仁二兄閣下前退關遂仍遺落已應再送之
例矣今特專使三次送繳乞致觀察爲幸學堂與書院
本是兩事但不可提書院租亦不必言不提俟學生齊
教習到再議可也監督必須教官不用本地人無人想
做監督自無人想興學堂矣此則官紳可自主者也鄉

中應酬極忙節後當人城避之狡兔有三窟人無奈我
何矣去年面求收蔡氏子今遣叩見其母苦節此子膽
小想仁者必矜恤也省中日日報假仗一敗一勝俱不
是眞事學堂人頗減色唐老守亦不必高興矣春雨新
雷元宵添一詩料從無詠元夕雷者此可爲譚觀察一
課題九郎來否紈女昨生一子劉婿想已入城謝媒璫
女入城請二嫂以近狀告之並頌潭福不具

阮樵世姻二兄侍者前寄卷附上一函計已察覽清筵
消夏談燕多歡獨守遺經自慚茅塞甚羨甚企陳完夫
已還衡否此間多須購拙文者請代叙二十部寄來紙

箋啟六

五

版價不妨稍貴塾出示知還當奉繳來足膽小不敢攜
一金亦可笑也江西無可畱戀秋間決歸船山則必不
再到且圖安靜一兩年輿兒昨與復心次子到此蕭少
玉派入書局來接和生荒唐人會聚學堂我惟以一溜
煙了之天下無難事只怕無心人足一笑耳此間四月
熱五月濕未知六月何如趙伯藏至今未會面餘無可
報專頌潭福不具

阮樵仁世兄侍福秋間午詒到洪聞九郎疾重極爲縣
系日日言歸遂闕通問昨至省聞病小愈甚喜本擬來
衡緣叔軒約再往小住臘初定辭還矣遙想侍奉歡娛

財源茂盛書院安靜以爲頌慰江西索書者多今遣丁
送紙一捆請飭馭工馭春秋箋廿部不要裝訂毛捆以
便上路又書經爾雅板片係由舍間送衡今欲取還馭
印前託叔揆刻易經想尙未畢乞飭催工刻齊免致久
延詩經在江西檢字明年可畢再當刻版又欲刻詩集
故須先催易經也刻工馭賞均請代付年底還鄉再有
信致此頌堂上福安並問雙祺不盡

箋啟六

四去

湘綺樓箋啟附七

目錄七

長沙湘潭王闓運字壬父著

目錄七卷

龐渠盦一啟 馬縣丞一啟 端尚書七啟 樊藩
臺六啟 張署府一啟 朱道臺一啟 蔡郎中一
啟 唐知府一啟 胡吏部一啟 莊臬臺二啟
廖蓀咳十啟

箋啟七

湘綺樓箋啟七終

目錄七終

湘綺箋啟卷第七

長沙湘潭王闔運字壬父著

致龐巡撫

渠菴侍郎使公節下因游九疑親見衡永水災巡道告
振明公施仁銀粟沛然萬民感戴復蒙朝廷頒帑巨萬
出水登席皆公賜也但湘省阻境已成積習鄉市閉糶
難可理喻今公私積粟大半漂損下戶得賑商士乏食
不患無錢而苦無穀上游四郡並乞省倉半歲之糧將
何以給闔運不揣冒昧已電請督部乞糶米五萬石減
糶得銀仍由湘省往下游採辦如此一周轉每月可來

箋啟七

米數萬石鄉穀自出民食有資想督部必有咨詢尙乞
主持酌辦芻蕘之言仁政有取謹鈔電呈上恭頌鈞安
致馬縣丞

少雲仁兄父臺惠覽昨得賜緘兼頌方物比卽附片肅
謝未克詳陳伏諭畏莢暢行將開新岸綜理詳妥商民
咸便卽看倚重藉慰公私幸甚幸甚弟陝游習勞幸託
遙芘還山度歲旋值衡書二月初旬尙當重至東洲冀
可把晤茲有族子王秋江頻執摧役聞新局勦始欣願
效勞且須早至故遣先謁尙乞錄用爲望餘俟面敘恕
不縷及順頌雙安惟管鑒不具

致端尙書

陶齋尙書使公節下十四日得行臺電問實惠百朋仙
侶同舟吳彎銷夏李梅之福非野宴所敢希也荷公念
問已如賜冰不抱不飲撲塵三斗思所以報惟有書畫
鎮江丁氏舊多藏弃茲因貧儉物將擇主政暇甄覽儻
有賞心量宜予價可空羣馬茲因陳善餘慶年齋呈鑒
定便可居閒闔運因避船山遂同徐孺將乘秋水復作
李膺相見之期待公還督小署少涼謹上一啟敬頌暑
安不具

再啟者武陵陳銳字伯弢秋士多悲文詞秀逸三試不

箋啟七

第作令江南權稅高郵化雅爲俗如幕府欲工作記倘
在翩翩之選或者待以吳質出宰元城他日得從袁海
之後則公誠大莩寒士矣

陶齋尙書使公節下自公移鎮闔運日增光寵戶外屢
滿篋中書積未十日已三上書矣韓退之以三上書而
損名蘇秦以十上書而金盡公將何以益我乎復心次
子仲馴前月到洪言公令出洋爲小兒所勸沮懼孤盛
意歸咎於我闔運今留讀書想亦有師範可學輒以奉
聞郭筠仙兵左不識曾相見否海外以爲新學之宗闔
運舊學之師友也其孫爲劉坤二所誤冒昧報捐道員

適隸宇下前政派充沙田委員新又有鎮江定亂之功
想能推愛儲胥加之拂拭或爲予留當塗合霑甯利則
局面較闊戴德尤闋閭運例無暑假日日到堂頗爲委
員所嫌幸去日無多少縱逝矣秋風容易公當占我於
衡山雲下手此奉託敬頌鈞安唯鑒不莊

陶齋尙書使公節下開印班春伏維錫福下民仰望知
慰巖阿三王四胡湘中舊彥今皆退處且凋其二惟女
婿胡元玉曾事次公太文不俗未參曾熙郭立山又舍
舊維新眾士所怪或者卅局襄辦本用潭人以配黃梁
庶無愧色明公甄陶萬類各得其宜履屐所存必盡其
用特遣進謁量材器使焉還山蟄寒不能卽侍謹繳唐
拓本監其野詞新政宏謨尙希寶嗇敬叩崇祺無任馳

箋啟七

三

企

陶齋尙書使公節下傭還承賜尙未知夏侯消息西行
不果積雨六旬豈又如會試蹭蹬耶君相造命何以處
我復心觀察六親同運尙不能從梁節菴遊亦望公一
振之也前求致書江督說劉世兄未知已否料理其餘
當位置者無萬數皆無益新舊之人每一念之且歎且
笑附上致竹石一函及代索書啟一通乞便郵去外呈
墨子一部係江報嫌價昂不利寒士者公當今闢人故

敢以獻專頌道安並詢按行萍醴何日覲得一迎候
陶齋尚書使公節下天雨不止山人足魚長缺免彈短
轅遂柅遙瞻鈴閣不任欽遲新政平和舊人新喜屢聞
美授或狀元有就熟之恩耶隨丁周玉松來自江西不
嫌小就斫薪挑水頗著勤勞雖非愛才口不言去近年
長工皆不安其室爭謀戈什籤子之爲如此安貧亟宜
獎勵用特達之節下乞加錄用其志在江湖兩督之差
知公不久畱小地也昔田單師走卒而爲名臣願畱意
焉

箋放七

四

自別桓樓如有所失非獨感公款至亦以擺落塵俗開
拓心胸俗吏儒生不能拘限具此識力乃後可言設施
間氣所鍾一見爲快想公亦照之也雖然今日疆臣供
人指使而王瞿又無所指使規模雖闊實際難言況復
五日京兆二品教官比之曾胡猶多不逮惟冀澄心養
望察吏求賢毋遽遠謀以勞心力學生狂議度外置之
無所用裁成誘掖此皆張公所自招耳范仲淹傳彼未
嘗讀也在嘉魚奉上一詩計已達鑒官舫遲畱五日始
至長沙無名之費斯亦一事鄂中似此者無數泥沙錙
銖自古然乎兩窗奉謝敬頌台福無任企仰之至

旬齋尚書節下長沙舍去先竟不謀躬涉鯨波亦旣勞

止兩江自公家物猶不及湖廣之熱輕徒令故民失所
馮籍正深快望猥奉惠存不隔音容長得瞻禮慰問周
至逮及豚犬甚爲欣感豈比兩麻命贊詩歌輒成二律
別紙錄上殊愧荒蕪孟浩然淺率去官秦中遂無生趣
升公封疆弟一乃不能容一狂生竊計兩司並無其比
要當潤畧小節仍與周旋解鈴繫鈴在乎反手且勝之
不武人才實難闔運輒妄欲上書勸以宏恕因未嘗觀
面莫測可否公旣皆相交好當與調停察野人芹獻之
非私知兩賢相戾之無謂十部從事豈有意乎三兒荒
唐敢闕華屋公不依毓華之例而令從文石以游未知

箋啟七

五

能否謹慎以副培植闔運初無嚴教但懼詒羞訓之拒
之則深感企今年復有牽率將復上衡弟十小女年已
過笄尚無所適公門三千珠履有可平章否前託樊山
心盒皆久未報禽尙五嶽坐此淹留時無人材亦其一
也春來晴雨相問花事頗佳湘中人雖囂塵地猶清絕
流連正樂惜公急去前命作天心閣詩去冬亦有二律
並呈求鑒十日內由湘至衡復由衡返湘湘又至衡道
中作書敬頌福安

旬齋宮保使公節下軒然大波林無靜柯頗思東游又
畏炸藥聞文石上謁談讌定歡抱冰詩鐘無此高雅遙

望榮戟但有瞻依浩然將踵雅門前函求公平章儻得韓侯或因茲一會也又往年與公言鹽局當盡去夏程之流以便安插私人大彰公道文石之來實獲我心未及晤談爲公招去今有復心甥彭生前在敝縣混飯督銷更易求舅關說不說猶可說後被撤天理何在物論大譁茲今該生親至金陵請文石只委闔運不敢再說求公轉告以後闔運請託并求諱屬不准駁回以符前議如是則大芘寒士廣作福田楊度孫汝皆消散矣附呈新刻二種聊伴荒函盛暑南征期以半月還衡之後再得奉箋專頌道安不具

箋啟七

致樊藩臺

樊山仁兄先生台席卅年傾仰一旦披襟各放光明互相標榜人生此樂天下無雙七日九面已妨人妒翩然引去信其宜矣及至仙宮飛蓋灞上停驂黯然有離別之思忽爾生貪癡之戀金仙著於細軟泥絮逐夫春風誰之咎哉公所致也晚浴溫泉固嫌粉汗明馳渭驛似聽歌聲九日兼程遂投華館入山三日徧歷五峰西嶽之奇異於恒岱擬難巧似意不能該古無名篇今何敢作然韓畢告哀之處鸛杜狀險之詞及至身經乃知過實此行上下絕不艱危午詒同行可以面問天移節候

地主之施玉盆未冰蓮花餘雪貂狐不御松檜猶春夜
夜月明峰峰霧散恐大雪氣應陽和變寒日行五十還
於客館然鐙始照遞簡已來發函跪誦嘉詞絡繹他所
未論詩則無焉假以時日恐猶難副何則科舉廢故
雷此碩果昔
游祝融屈於鄧彌之曩論華詩唯推魏承貫默深
改名卅年
攻苦祇成登岱一篇今日驚人欲出謝眺之上既難急
就又恐過時加以大敵在前眾人拭目誠非薄拙所可
自期惟以郡縣迫促官差倚馬輒寫和一詞並嶽詞一
首聊以報命明日瞻望茫然午詒亦卽遄還面申鄙款
相見甚易彌祝珍頤行筐紙窮不盡覩縷

箋啟七

七

樊山仁兄先生道席別情載路恩紀常新日日馳思駿
駉歷序送猶如昨懷已經春還信之遲悟而自晒想朔
謀同軌神御點金總握路權定勝師法他時通道卽得
朝夕往來誠爲幸事然闔運私意總在士元一席使湘
人振聵發聾耳王祭酒欲翻趙案學徒徑赴學部奏駁
存古打草驚蛇使南皮亦自却步近日明見萬里者唯
有此奏惜仍由外擬非出心裁秀才可以任天下事黨
禍將起矣故亟望明公之一拯也闔運還山後刻成易
說一部寫定拙詩十二卷上已送上三禮箋續當有獻
譚文卿少子求借台署所存文兄任內手批案牘已令

邠牧面啟託闔運代陳想仁孝訓型必無不允仍希文
案委員飭房檢卷或令程生照料尤感尤感衡湘大水
幸未分秧雖不害田損失糧貨巨萬關中當得福蔭民
庶安和學設專司未識何人分陝兩湖則梁張以外無
稱此者矣鄙意不如起用康梁爲直截但無敢發此端
者橫流橫議俱親見之公當閉其老窮耶新晴晨興輒
書三紙承請福安

樊山仁兄先生節下去春寄到大詞循誦已熟秦雲數
至每道相思未面傾襟洵爲佳話閒與叔兄屈指袁劉
恨不移旆同城一振物恥非僅風流照耀異苔同岑而

箋啟七

八

已闔運披昌五十年方轡時賢幸無尤悔近覩世變用
倭亂學久欲上議自嫌名盛唐突三督搖撼二張何敢
久旅南昌致違本意緣感虛禮聊復再游秋風漸涼歸
與去矣升公兩疏朝陽鳴鳳得與同事非敝同年所敢
汶也葆生將去憑寄一音敬謝垂念卽頌雙福唯鑒不
具

樊山先生仁兄節下仲冬有入關之興意謂浴馬溫泉
洗頭玉井升堂償世年來積思兼以接對升公觀其議
論乃爲午詒所強舍官爲民行旅滯留僅及歲暮到家
承問快讀五詩雖實汗顏聊且自喜生平受褒譏多矣

公之許與蓋有特識而通氣類唯賢知賢卽公之自命可知也將以僞謙不其飾與請後無爲客詞直云莫逆可也叔兄復召當有大區畫豈欲侯嬴我乎義不入都俟命於湘求密告之午詒送姑還里姑病小愈卽當有信至秦班春多福且將與狀元相見亦吾黨也賀賀

樊山仁兄先生節下四月半上一牋並夏公父子二函未得夏復昨聞叔兄薨逝理當唁問計公早已周卹兼指示諸孤早辦歸裝矣還途以由武關爲省便粗重少帶但倦屬親丁不至過累還家鄉人自有料理乞轉告午詒兄弟爲幸公督路政想日勤勞盡力所能必不竭蹶去今秦報有便寄我爲望湘撫不安其居未知何意水退早成秋收不豐闔運於本月底還山當至長沙候夏旒謹此求飭送午詒一閱專此奉浼順頌台安

樊山先生道席錫良揭曉金鑠彌光旣不姑容遂同歸去長城白壤短垣共踰華陰囂然固其宜矣不俟終日回首渭濱當霸橋垂柳之時吟屈子持蘭之句誠不可以曠達處之也聞今年曾有復書並和拙什至今未見企望皇然時事可知不圖至此或歸與張禹共打詩鍾伊可懷也下可隈也閩運樂極悲來兒女憐惻自去臘送竈後口坐城獨處塊然殆難堪忍加以窮乏得我

深山遠親日食萬錢一飯斗米世緣之苦今乃知之窮
大失居四方靡聘思公談燕更益馳神幸不與瞿袁爭
權猶可冀江湖相見雖迹行止願早相聞午貽還里後
遂無消息言莫想在四月午橋改良不敢開通矣專肅
奉問敬真邸安無任仰諸希鑒照

樊山二口先生道席前得書知四月出遊日夕企望至
今不克過鄂想未戒行也因循半年徒隔書問耳正暑
時復往桂陽送葬以此亦株守東洲惟日以看報爲樂
報館認真我則游戲惜楊翠喜不美不足作詩郭寶生
血戰沈衛當又費一章矣孝達乘間遂得叅知酬十年

箋啟七

十

企望之心亦宜有佳章作賀闔運有新詩四篇亟欲索
和手錄呈鑒此間人人欲得公來一振聾發聵恐湘人
無緣承事但得望見顏色以爲幸快何由出游若有新
除便不自由矣午詒爲闔運拉入書院自代發明不要錢
之義若相與有成亦一快也續當詳報手頌寓安

致張署撫

筱船中丞大公祖節下聞任喜卽擬奉箋酬應稍繇致
稽時日陸帥決計歸由次公荆棘尙煩調護想孚民洽
吏必已周安湘士蒙福私中尤慶也闔運抵洪兩月未
展一籌比之葉胡誠爲多愧舊弁楊都司振清回來求

事此間愛少嫌老無所用之湘中驅使需人明公恢闕
整飭令遣詣轅叩見尙希賞一優差雖無大用亦不愧
陳劉耳專此恭叩榮喜敬頌鈞安唯鑒不莊

致朱道臺

惠之仁兄先生節下去年幸會旋聞蒞湘及奉訪已還
旌矣膏捐之約未之敢忘次公未能總攬以待今日想
主持全局經營四省必臻妥善以裕財蘇民幸甚闔運
通家尹生文儒之子家貧養母苦無叔水資其家在秀
山去彝陵爲近特介一函乞於局卡司事分委量予一
席俾得就便餬口仍不廢書知與公嘉惠鄉後之心必
有合也闔運洪都小住酬對爲疲將俟秋涼仍歸故里
倘看女至衡冀得相見專頌台安不具

致蔡郎中

與循老弟道席金玉其音忽聞警刻歡喜把玩暑氣得
涼幸甚幸甚次山入典大農湘土稍有黑白所患王張
憂國復作訐謔黃杜遷延其小者也闔運客游過夏已
及瓜期還山收租其名甚美如白露前不至大熟仍當
於山塘聯句矣彭孫直懣大作波瀾飄弩千金殊爲無
味昨有翰林太守要述唐同作調人彼乃振振有詞決
還遠

恤寃其父老弟或不存其叔耶涓官難斷而遇一米湯
太史議廢科舉有由矣因彭復書敬頌近好

致唐知府

稚雲六哥同年親家養席章門促見雖快猶忙未得攀
舷乃蒙賜簡循誦喜慰又復悵然世事全非相看俱老
百里睽隔豈但舊歡秋炎久暘鄰封暫警賢子經畫訓
亦勞還山之期知尙未定閩運於昨月杪辭出公館
西高許河帥故宅以俟涼秋八月水平便當迓返危局
多變鄉里難安如兄必更有奏咨借重之時弟亦仍當
奔逐殊非高隱人不遇暫遯耳史繩之得薦又爲張狀

箋啟七

十二

元所訾苦海流轉何能有定疆飯含飴暇輒西笑爲幸
爲企

致胡吏部

漱唐仁兄翰林台席奉別九歲靡日不思去歲到貴州
詢都人士罕有知蹤跡者夏間得手書尉問殷勤兼聞
閱議洋洋幾干言而未及近況後問伯嚴亦不知其詳
及議鐵路朝士連名僅列大銜初無可否香元大老宜
更不通消息矣大隱金門斯爲長策敬佩敬佩闔運避
地烝上遂及一紀欲去不可乃逢夏聘借此蟬蛻具呈
督撫請罷學堂次山笨人不達時務憚於代奏懼其忤

時旋謁學使柯君許爲附達及後未奉詔飭知又隱沈
既兩院同心老生何容瀆諫然總教不可爲義彰彰矣
以夏中丞特派大員來迎禮宜荅謝躬往卻聘三月遄
歸到卽暑假僅講禮記六篇堂中人士初無習氣欣然
相得亦可有成然以名義不符故無畱理夏公約堅不
師而友旋又一往遂值遷移曦底到家坐兩到夏世事
遷變一無所問日俄最凶亦未肆毒仁兄近在輦下當
有所知臺省諸公仍復安否次山度遼尙講學乎敝州
浮動十年亦成見慣抵掌捩腕者富貴無階風氣稍向
靜矣曹中依然印結無須入館二張近作何想香濤已
成強弩得鐵郎一衰不負苦心足矣清暇時有吟咏無
吝玉音答箋稽遲寸心常結手此奉問起居

復莊臬臺

心盒先生大公祖節下前聞旌旆晉省卽遣信歡迎頃
得賜書似未達鑿伏承鳴珂還里攬轡澄湘新祓塵鼻
重披雲霧甚爲欣仰豈僅老民督府頌文猥蒙援簡禮
宜恭命無可飾詞但恭祝吉詞體當端謹張文喜繁富
下筆千言闔運懶祭已疲錦割都盡不能駢四麗六對
白妃青曩者吳公好奇猶可僞摹揚馬若論博麗久不
如人城中皮麓雲葉煥彬皆馘馘多文請以自代明公

新從鄂過必見張公若屬意徵文則有李序爲式如或志存經國意薄雕蟲取備充庭不計工拙尤不足煩公慮耳闔運因游九疑遂遭水厄東洲滌蕩精舍傾頽譚兵備議改學章又干部駁經費無出師範難優已徹皋比無勞熊掌中秋詣府暢敘離懷緣奉教言先此肅敬中丞尙未謁見乞轉達鄙忱湖北湘吏前議公祝督壽來索鄙製亦已謹辭張頌李文竟未寓目新學家方廢詞章或不能不隨時也如張指索鄙文則往役義矣未伏風燥伏維安善自臣不勝頌禱

心齋使君世先生節下奉違忽已四月惟日以未預談

箋放七

十四

宴爲念時和序清可以小休整飭官方是今要政警學新軍抑其末也湘吏久頑願以剛介振之雅度含容下不知惠且自有能之者前求拂拭何鏡海之孫何緯困城中唯節下尙知鏡海餘皆不足語此女壻常國篤名條想尙在公筆筒中乞交袁公此君初來不似王石卿應接不暇也闔運因船山欲收學費無益取謗仍來主持俟秋初或可上府一傾積思近日搖鈴演說構諸醜態雖不效不免勞神政暇唯高曠自臣爲頌

致鑛局協辦

揀咳仁兄先生道席昨使來適有稀客未能作答來札

甚謙意甚厚惜引喻失議耳豚肩之賜以擬換羊書蘇
黃年輩略相當奈何欲拜門乎茭菟秋蔬比韭花之佐
肥矜恨拙筆不及楊少師然皆詩料也弟詩不苟作酬
方家尤難興到會有報與壽酒皆遵命展至九十月唐
侯當不作裕公也廿四日有郡館之要會當相見日內
童僕盡出竟不能出游此簡命船夫走走送用違其才亦
當賦舟人之子耶

送炭船來奉手教洋洋乎洋洋焉知王介甫之非以去
要君爲鬼怪輩害事也功成身退自然之道龜山蔽之
斧柯奈何午後兵備來談言及唐劉佩服之誠方以不

箋啟七

五

得大用爲恨公論自在私意將不得申閭運亦隨風轉
舵又附于在升言升之例知去就理多端也且如公去
則明年送炭又靠何人然則爲國求賢公私兩利孰若
附和一人徒增林下一詩酒朋乎恐公以買炭虧空爲
名輒送卅六元交五世兄以清前款黃色人不肯杜後
患糧課又來日內正與聖賢相對此百五十石消得著
也涼秋始還其期甚遙張制軍有巡江之議進退維谷
竊恐公亦拜巡升之命則奪我鳳池而仍棲枳棘又洋
人所不料耳專復申謝卽頌近福不具

孫咳仁兄道席自三月以來奔走歷遑昨長君見過亦

未相遇正欲憑船寄書一報新事適從兒女處展轉寄到二月間所賜手函竝政和三詩律法彌細笠雲二篇則當家合作厭倒廖王信乎詩各有宜不待調查也游記檢原稿未得輒錄五言一篇爲裝冊之備以了前稿闔運因船山書院命終特來料理後事山川赫怒一夕蕩沒無存彭雪琴六萬金之工僅存泥沙天廢不興于茲微信鄙人遇災不懼後天奉時暫避城中俟九疑還舟仍歸山塘避暑昨過清泉學舍垣牆盡圯水亭傾倒昔年鴈詠地遂成泥坑亦不待裁教官改學司費青年英雄立憲也端撫一來湖南全省化爲異族昔與郭筠

箋啟七

六

仙論王文韶不能亡湘今端方竟能變湘弟之無能如此亦何顏更設臬比再列小腳唯有拜受康子之藥飽啖陽虎之豚以卒餘年而已表弟蔡溶春年老病盲還湘學稼薄田十畝子女八口不足自存闔運外家祇此一人賡堂先生之族零落如此方今疏通翰林之日仁兄尤念鄉黨未識卅局有三數金間差令執鞭守門否若可位置比李次兒或較勝也來此兩月專待道州船便行雨旣不止水又復漲上瀧升天未識何日然意興未減眠食愈安起居益健以爲至喜

孫咳仁兄先生道席得惠書愬愬未復間關到南昌已

聞湘報子龍去而士龍來極天下平庸之選學堂瓦解
朱唐失望王劉欣然復有生機梁煥奎不待手誅胡子
靖自然纏足真足以推倒豪傑開拓心胸也銀沙坐擁
以聽浮沈不必私憂唯堪一笑應與鄙人同師漆園家
摩詰詩云一生幾許傷心事不向空門何處銷鬱輪袍
凝碧池一時涅槃城中冷熱人誰能解此闔運每於此
參悟尤願與知我共之求差辭差俱爲多事官中堂云
混而已矣伯嚴昨來此一見夢猶未醒建議七十五縣
樾喬見程晴峰陳說軍務程云四哥高見長沙圍城眾
紳士同見欽差議大事旣去或問何人何計羅蘇溪曰
如麻雀嘴喳喳我並沒有聽他今以此法對三萬萬九
千九百九十九人亦紅頂心傳也初到日對百客何足
爲勞因感遷移急書鄙見如有新事仍當續聞敬頌道
安無任馳企唯珍衛開通爲幸

孫咳仁兄先生道席七夕前得手書快若對面官士傳
觀勝報紙之開通也子龍又投木石不知擇主豈天時
所會非人力與升局學堂以時鼓動得如吾兩人者鎮
之居然頑固矣客不可久非若升局自隨已於前月底
辭館退居待水而西渡澗還溜踐珠泉之約然有急事

不能刻待者平江李世兄之館次山許以幫辦老兄又以金諾乃係稽查何其輕當世士耶如次青者猶將十世館之況其諸子而令側陋想公明恕必不以後劾剛一座鑛等千戶侯願無印刃而不忍與耳專此仰干順頌道福展重陽當遇我于藩牆惟照不盡

蓀咳仁兄道席千里遯歸踐珠泉之約乃主人先去又聞凍腳如杜子美雪陰積冷余亦閉門俟晴時出游不復作鄉里周旋矣我不負君猶可券乎以待來年是所願也梁新學赴官蔣漢隆候缺貴局有文案襄辦各一席襄辦試與撫部爲胡子瑞求之文案則有族孫名燾字穀平解元之子曾任舍監乞與當道一言俾令從學或公肯專政則尤佳也新入城想多新事總之不離芙話山中無一聞見又苦泥塗園菜盡蕩終日食肉容俟出月始能上省先此奉託卽頌道祺不具

蓀咳仁兄先生道席珠泉放筒屢遷期會山中銷夏暑氣全消舊居林密定勝新村乃自入火城輸我羲皇一席中元日近想又還山矣八月十五看月或可同也端去恩恩不督爲恨前五月相見已知其茶飯無心未料其遂從小兒乘桴也新使例請迴避此除或又是一計其人庸俗有餘亦士龍之流揣摩無益仁兄擁巨貲而

坐觀成敗所謂振衣千仞闔權力過於倭人何混之有
蔣少穆頗爲郴人所訾將有京控此公有官不做有錢
不畱而僕僕風塵當佐襍市儉之差殊不可解弟以其
爲亡友李申夫之知己因友及友頗欲進規無緣相值
台端儻亦引爲同黨乞將此書示之否則作爲背後鬼
話也聞學堂復變動何吾鄉無福至此東南宜廢學西
北宜興學聖人復起必從吾言樊雲門文采可觀行事
亦辣慕天貺之所爲而心地未副得公賞鑒南北增光
然直道難行眾人皆醉有轉移于樞機者又有轉移樞
機者總之見公銀沙則束手歸命十樊藩何能爲闔運

箋啟七

九

求圖書館不得更何敢望俞生但銀沙不能轉移我則
差堪自信暫時課孫訓女以遣長日秋涼當一出發舒
手復頌安無任馳企

蓀咳仁兄道席去冬面許光臨新年掃榻每逢晴日企
望清塵魚翅早煨舒鳧待刃及今踰月知己趨公雖不
比魏其之快望武安亦如馮星槎之欽遲憲帥蓬門減
色雲峰笑人春風摧花巾車將駕相逢又在夏秋矣去
歲所假官票未及揮霍而陝藩寄到殷官之數陝撫卽
墨今又詒我周星一時地上錢流遂不遑取用所餘五
十二兩謹遣送還餘半斤未補以示真率有敝同年趙

梅卿之孫家道小康欲嘗局味弟不干當道如有
處幸傳見察用重宴鹿鳴人於勝誼未敢忘不以停科
改意也

蒸駭老兄道席山塘簡率加有病人接待荒疏恕其倉
猝旋因衡學將散議取膳資不忍十年之功廢於一旦由
陸奔命庠內尙局仍復折還幸小女已有起色又復到
館于佛生日開學打鼓上堂宗風復振望八年之漏盡
不休誠可哂也夏叔公于六月朔下葬三世交情當一
臨穴坐此淹滯讓公與黃小魯周旋詩句畫圖不遺在
遠展讀來章惟有欣企山中消夏亦足傲余欲罷不能

箋啟七

三

則恐同病耳潭猛係岑所嫉因敗爲榮又出一梁鼎芬
非安都之比也辱承謬獎惟祝保晚節耳大世兄頃有
書問亦以發財爲恥志趣高遠具見淵源匡廬未若九
疑猶綬臣之不及闔運倘于夏至後一訪舊遊便于夏
秒上永一月聯鑣不更快乎九疑一行非百金不辦幸
有學費無取升金聊報瀉東亦壯行也書此奉約卽候

潭福惟鑑照

蒸駭老兄先生道席前奉書聞已還山且將高卧不出
能否如願非所料也譚芝公近因兩司來詢役田甚不
高興役田本起自曾監督成于王桐軒初言十萬金可

立致乃得二萬元耳曾委員王師爺放散亦云萬金則
又祁陽地棍土倡分之而曾王不過過交李馥先生

此張

亭嘉尊

稱之詞亦思染指不得乃歛費京控不意止成咨案例

不問也今委員提王范曾范在省謀委署想已投到范
雖鄙人此事無干曾已遠颺王則現在但臬台明照此案
殊不必認真慶振事尚可陰消何必掃道台之臉如其
欲澈底澄清化咨爲奏徒興大獄無益民生公與譚公
舊僚新好乞以鄙意探之廉訪付之照例而已又彭剛
直巡捕章家有一錢債細故闖運于前月函託沈士登
明府調停早結想已訊明今其家又專人云信並未到

箋啟七

五

或係左子重之流匿不以達

段洪橋不折封左子重折看而匿之故不言付洪橋

亦求特往一問又譚心蘭學正係敝縣通儒有春秋日
月表禹貢正義皆闖運所契合今其子不能自存曾與
張兩珊言之兩珊向不攬事居然慨允以爲應極力照
拂天不成美旋卽喪病方今首府岳常釐局皆可位置
求轉告莊廉使一吹噓之或能于貴局委用更佳亦國
粹也闖運重到東洲新與世兄聯絡月底將往水口山
看鑛從此爲公小友羣紀之交特科年伯有抵制矣大
芙大芙四月極熱五月極涼是善化歸田之祥近有新
聞匪夷所思然實意中事耳適將上堂不得多及專頌

道安不具

箋啟七

二十二

湘綺樓箋啟卷第七終

湘綺樓箋啟附八

目錄八

長沙湘潭王闔運字壬父著

目錄八卷

夏巡撫四啟 陳道臺一啟 陳知縣一啟 宋道
 臺一啟 程知府一啟 陳巡檢一啟 程郎中二
 啟 曹參議一啟 朱藩臺一啟 任知縣一啟
 秦提督二啟

箋啟八目錄

秦對晉一啟

曹參議一啟 宋藩臺一啟 任知縣一啟

程知府一啟 陳巡檢一啟 程郎中一啟

朱藩臺一啟 任知縣一啟 宋道

目錄八卷

湘綺樓箋啟八終

目錄八終

湘綺樓箋啟卷第八

長沙湘潭王闔運字玉父著

致夏巡撫

菽軒仁兄大人節下奉別又將十年時間佳報均疏賀
簡伏想因宜施政卽事多欣爲頌爲慰賢子一疏幾於
奪官闔運因此大爲感達所憾雖絕交已早而彼怨方
長然經此大創遂無公議得賢子爲鳴鳳使他日考國
史者知當時尚有一人萬古丹青以衰年謬附不朽誤
中之誤竊自幸也隆兵備疲老龍鍾得依樂國一切安
置務乞加意從優旗習不知理家多屬腹削闔運實愛
莫能助不審能飭紀綱定一常額俾得量入爲出否其
所存僅了日食若爲之開源尚不若爲之節流也到城
恩惠餘俟續布敬頌台安不宣

箋啟八

菽軒仁兄先生侍郎節下前歲寄書後以賢子時有寄
訊動定輒相聞知謀國蒞官皆宏偉略不以封疆爲限
誠副傾企之懷欣胡丁之得朋也在衡州微聞貴州人
言將詢及芻蕘方深屏營八月底因趙次公相約入城
道逢軒車疑是來使遣問果然特派大員致其幣聘展
讀手教謙抑彌光雖文侯之於子方畱侯之訪綺季無
以加也滄海橫流有此雅度已度越岑張矣改學之說
闔運久欲建言曾與孝達面陳楚秋書諷又上箋俞撫

皆不諒區區秋間湘水沸騰擬呈請奏又聞慈聖意在
停止嫌欲尸名茲承奏允已於九月三日具呈督撫求
爲代達並與書次公條陳建學之宜鈔稿呈覽如以爲
可自無須延師或宅安學使到時會商整飭爲善至於
私情談宴江湘接連訪戴之舟無勞具楫聘金路費皆
不敢承恐湘兄不肯收回俟見時再爲面繳閩運暫還
船山固守本學陳復心次兒已奉左全孝指揮撤我臬
比矣誠可閔笑也

菽軒仁兄侍郎道席青門重謁渥荷恩私綉領停驂復
承遠送到家後卽聞偶發舊疴旋加常膳子婦並會侍

箋啟八

奉萬安修候稍遲實緣塵冗惟鑒爲幸豫章奇變達官
均罪知公福厚事外脩然闔運還山息機又爲衡吏士
所邀勒令改船山學務分設四科天意有違平地湧水
牆壁盡圯遂成泥坑幸先已具舟暫避程塾諸女來觀
且須從容端節後仍歸敝莊避暑若免荒旱或可安居
此次水災連及三郡損失巨萬足償私款新議方建立
學司多門煩費非狂非愚圖小利耳不值旁觀一哂也
杜曲春深必多間適隨宜珍攝無任欽遲

菽軒先生侍郎節下車騎見過告以傳道依違不能任
事之意比言如此處置人情不安未盡委曲敢申其說

學舍濕漏將於暑假內因暇補修適有蕭生鶴祥在彼借席屬令勘估據稱牆斜柱朽恐致傾覆親往履視東院有空屋三進曾無居人因令郭統軍營中湖南匠人丈量得地寬八丈長一十二丈可造齋舍四重廿間包工造成每間卅千用錢六百千比前補修佔工三百千僅補罅漏爲費倍工百於計爲得小小興修既不煩委員卽不必關會總辦提調傳道任守皆不與聞以傳道來往親密偶知此說耳十三日拆去舊屋郭道主用營勇曾經詣轅稟聞十四日拆除用廿餘工至夜郭道言有畱名臣祠不拆之說訝問其故云出自傳言卽告以

箋啟八

修祠不比毀祠仍照原議十五日辰刻得南昌沈守來函云名臣祠宜少畱餘地且有遷主洪都之館之請深爲駭愕以爲謗議沸騰矣卽復書告以一切照舊卽刻停工初不謂節下又以爲停工非是也此事始末無關傳道更無關郭道今傳道以依違見責郭道必以干預爲嫌無故生波咎皆在我疇昔之夜談讌款洽瞬息之際遂啟猜疑非所以安遠人且非所以示闊畧伏願收回札諭仍飭任事如前不勝惶悚特此啟聞或與僚吏議其是否敬頌台安

致陳道台

復心世姻弟無恙聞坐困武昌屏息待雷王志不熟以致此苦欲出主意非所能用詩曰每有良朋烝也無戎天下大患莫過于諱其失志而高言無悶遂巡歲月如坐針氈南皮卽其人也尤而效之何哉請假桂陽庶一計乎宋芸子斷腸人對斷腸人坐看張彪汪守之遐騫伊可懷也其書引弟爲證故請轉致又江西土捐由尊贊成張督同任有咨贛撫文若待屬吏叔公平心駁之乃就範圍其詰宜昌設員粵關過境如何分別張言不爲銷某省故知所運究竟作何登荅抑以閤煞爲繳旗人凡不不必委員答者日擱繳繳想知就裏其家方撰行狀思以抗張爲能尙希速復

箋啟八

四

土局有卷可查若見元辯請以捐官太大告之益慰其被劾余前有書云一掛彈章便成豪貴望風逃聽指日高陞可以移贈也因便附聞順頌邸吉

陳知縣

曉江仁兄太守執事庚年快晤還荷隆儀百金之昇山行安穩甫至清淮紛傳寇警九州紛擾萬乘播遷求穴靡容閉門屏息遂不遑函謝竟似前生昨除夕書來茫然莫憶自檢日記乃憶大名又讀尊著角山六言詩撫時感愧老年忘事旣悟恍然恩紀加親歡游如夢此又一好詩料也黃綬屢遷公私多慶海濱殷軫風物清嘉

撫輯餘間新年增福幸甚幸甚闔運入山養靜晚景頗佳于世無求虛承厚贈阿膠珍藥卽分諸女朱提精鑑本擬附還緣前荷贈貽尚未申謝殷拳想念誼倍千金不復區分輒收全禮大集展讀兩過并序交情不敢贊揚想契尊旨故鄉安靜稍爲趙端所擾尙未至於搜括學堂亦漸安分公費無出行當自廢拙著始編次付梓春抄或可刷印再行呈正先此奉謝敬頌多福不具

致宋道台

芸子仁弟無恙近歲老懶於朋好多不復書屢承牋問惟一作復由郵局遞南昌頃得來訊似未達覽其爲功

箋啟八

五

兒所誤投無疑非郵局過也然一函百金乃竟浮沈是遺子滿籛尙不若一部從事此後惟憑局足耳論學則苦心精義可感可泣語曰誰爲爲之孰令聽之時無子蘭狗監其人屈馬之文猶無知者況文心耶前後論撰皆實覈雅言學亦大進強聒而不舍墨道也非莊旨也鄂渚重游語言無謂青油幙看人面未若鴉片燈前讀我書式微式微仍以盛宣懷腳下盤旋爲善不必作學使丞叅之想聊啓軒渠賢子長成近作何業元辨被彈作何覆奏相見爲道愴記未別作書今年重到東洲與吾賢重作候補同所謂應付之學

致程知府

戟傳世弟權席山莊避暑正與陳郎談弟音信太疏適
得來函及飄裘樊集之寄忻然相視因覽近作喜文字
未廢暇日仍多甚懌甚懌樊山屢誇弟於吾知爲出色
人物復承薦士益喜畱心世事茫茫得寬閒自處不必
計功過也去年曾得來書未及作答春間謂必入陝乃
有波折秋涼水清當由武關至潼償三次游華之願爾
時未必遷代將包關瞞稅耳墨子已刻今致兩部以一
致毓觀察樊公俟面送也酷熱五十日來詩未暇評點
亦俟面還湘中學務時冷時熱蕭生失館欲篡船山也

箋啟八

假名篡耳晉侯先殺申生故爲商臣弟宜以稽查羈縻之無使作張元爲
噤新涼想寓館清娛爲頌

與陳巡檢

芳畹老弟無恙幸甚去歲得書卽欲從廖大令處匯花
邊拾貳元交弟應用因恐廖不要還似乎把勢將交信
局又可惜匯水其後孫女湘霞病故十女病重淹纏三
月乃愈衡州書院要倒閉急忙來弄錢遂過半年並不
暇問老弟蹤迹矣昨得來書又無日月所說尙似正二
月間時事山中方七日世上已千年眞前世事也兄破
船多攬載輕諾寡信人來託事者曰不暇給荅應並不

可靠不知誤幾多事矣行蹤無定時東時西非緊急並無回信如弟遠隔一混數月旋即忘之非紫起眉毛不得料理銀錢又不在身邊身邊有無一文之時故難應點也今託便寄上前數衡州大布有無數種長者四五丈短者二三丈皆係白布不可要也寄兩元代之共十四元營盤街信不得到寄信當寄湘潭十八總杉灣雲湖馬頭公船上不能代出酒錢

與程郎

叔揆世講姻九弟侍福前聞尊公當到長沙畱待數日未至今想已還家欲求代買各種交來丁帶回恐尙在

箋版八

七

省故託轉稟白版家譜一部奉贈前取尙書爾雅版片云須版印未付今可檢付來手周易已否加工詩經業已排印成書出月當由江西寄來矣縣考定高列府考何時並問令弟均好

叔揆姻世講九弟侍福前函致尊公索易經想已寄來矣茲又付上一封面二詩本請發刻匠爲要尹和伯云湘東岸有一大地穴在田中正對南岳請派人打聽何人田地定要買成如係親友家田則請以田易田請即問明同一的信陳八要借錢係在潭做來往即可隔遠六小姐不借我此時無錢也

致曹叅議

東瀛仁弟台席前歲過豫迫歲暮不欲更游旋聞琴從
不畱賢子東邁所期如夢爲之愴然旣而高步華京遂
叅卿貳杏林有望手版全拋才欲寄書旋承來訊殷殷
之誼久遠彌親甚善甚慰長沙近爲利藪自愛之士不
欲入城老懶喜游蹙蹙靡聘去歲一至九疑迫暑未得
登陟今擬更往因船山改學教習入都越俎代庖遂攝
三講俟夏午詒葬畢到館才能放學新刻詩箋寄承覽
讀聊報松山入經箋注此爲差密日本學者但欲廣藏
非能鑒別故不託寄也首夏濕蒸遙羨清曠惟珍重相

箋啟入

八

念

致朱藩台

菊尊世八兄方伯節下前聞特授旋慶榮遷時局益乖
周旋不易想長材毅畧必不隨俗轉移然積弱之餘動
輒得咎剛柔之妙運在一心無隕修名是所祝也佃童
劉南亭亦君鄉里久從坐營殊無出身曾薦與夏端兩
撫未幾輒罷母老無子心獨憐之用特專函遣投樾蔭
江南地大物博關道取多用宏或合典船或充哨長使
歲得潤庶副鄙懷又貴同年左幹青欲求繼蓮兄一優
差弟久不通信乞面致鄙意酌與提拔并希無吝吹枯

甚感甚幸專頌任喜不盡

致任知縣

績臣仁兄明府台席重游東洲遂遭大水聞敝縣被浸尤久躬親拯卹民說無疆頃年沈明府勤於救災至今頌聲洋溢邠勞倍至必軼前稱雖暫煩憂造福亦溥惟未能贊助以爲深歎衡府積米不多兄所深照程旣樵兄有備荒屯米九倉在易俗河昨遣運被本地阻境已由譚兵備電請撫台札照冰案照護運衡倉票亦先發驗誠恐阻米人不由分說堅持逼糶特屬闔運加函奉託務希派差卽日起運竝加護照飭役押送出境早到

箋啟八

九

一日早受一日仁賜再有懇者本地穀米仍宜流通若似近日鄉間龍斷津要不許舟船來往則荒象立成殊非地方之幸此又望公主主持調劑普協羣情或一仁政之一助也闔運以船爲家喜無損失山莊亦未被水但分秧時過穀價恐日昂耳專此代達敬頌盡安不具

致秦提督

子質叅政仁世二兄節下夏間得手書具承存記前聞統軍桂管凱歸請觀或云備兵瓊島爲人所擠意雅尙必有違俗之嗟幹才又無投閒之理隨時升沈與世委蛇亦宦游之一樂還山殆不如也局中可知優游爲善

此時無所謂自見也闔運有子和處撥用五十金
未還以在家日夕無暇及此茲承寄贈卽謹拜領仍交
令弟子剛歸入家用示君兄弟同財之義眷念故交之
情手書爲謝卽頌近佳不具

子質司使世仁兄節下去歲聞特命專闔卽欲躬至萍
瀘藉觀調度緣家人疾病因循度歲旋聞衣錦覲親信
宿過返哀臨案堵省政覃敷瞻望柏台無任馳企洪都
完善官吏習深自吳文節莫能振之都憲仰成滄公協
力非大整理豈云善職遙聆輿頌但詠緇衣同縣婁秀
才光曜昨來訴窮云在頌頌曾荷夏芑江西官報書局

箋啟八

十

電鹽諸處監司例安插三數人婁生詩文斐然不宜飢
餓用特函告乞畱一席俾得安視吾鄉文人不多吳少
芝甫得一館兩珊中風懼無主者劉詩人屈在釐棚猶
費九牛之力維持國粹獨力難勝願達者之畱意也丙
姪孫蔡仲荃其父子唐曾邀接納今在屬縣小館如失
路來見亦乞吹噓黃宅安不見一人闔運日接百士孰
是孰非江西想有公論也春寒連月伏惟宣衛協和爲

幸

